

周

禮

輯

義

周禮輯義序一

自天高地下萬物散殊而禮制行焉禮之爲禮卽道也卽性也
卽天也故其象爲亨通之德而合於嘉會之禮流之爲天理之
節文制之爲人事之儀則達之爲叙秩之序庸命討之章用凡
自無體無聲以至可威可象而修齊治平莫不統是者恃此道
也斯道也自伏羲畫象黃帝垂裳而權輿已兆馴至唐虞命官
以來制漸增加逮周元公相王踐祚土中旣宅實於豳陰陽五
行之秘而建爲天地四時之官其間冢宰掌邦治而道始官庭
司徒掌邦教而道敷衆庶宗伯掌邦禮司馬掌邦政而幽明格
而中外寧司空掌邦事而刑罰中而事物理故周

禮一書正君心以正朝廷以暨百官萬民而後世以爲天理燭
熟且以爲廣大精密非聖人不能作者道誠至也戰國之時強
侯去籍又厄經秦火而漸滅殆盡聖制未泯發於孝武孝成之
世而遞聞於漢以後唐宋元明之儒斯道庶云有幸然精理雖
云互發集註尙鮮完書其間雜之以讎緯中之以名法亂之以
智巧甚至新莽宇文宋熙寧之間假聖文奸爲生民害學者其
不以周禮爲禍世之書者幾已鮮矣天運否泰有塞必通我

皇上天縱好學稽古右文方

授序謨

命侍從之臣率海內賢俊排纒經籍今羣經之局已成三禮之館

一待設而在下之士蚤已搜羅抉剔無次成書此誠邦隆之化洋溢薰蒸以故士之應運而興者至此捷以神也某叨贊

大廷自先文肅公以來世以一經相授遂謬主麟經之館方魏未
能闢聖經以揚至治而姜子之書適成溯姜氏世有聞人如
宮保姜鳳阿公暨恭政養冲奉常同節諸公皆以文章節義詳
載

國朝史院今姜子方退休於下乃能續洛閩之緒餘使先聖之大
經大法昭宣於

盛世是不但家之光而爲國之華也某益覺眩乎後矣故予因論
禮以大其研經覺世之功而序之如此昔

康熙五十七年戊戌嘉平 文淵閣大學士 王揆撰

居禮輯義序二

自古設官分職以治天下之民其道莫詳於周非徒制農明條
目備而已要有其義之至精以爲之本凡天地陰陽官府內外
貴賤巨細佚勞之屬莫不因自然之性極變化之用正一心以
蒞百官宰萬物使宇宙之內形萃事殊族辨情合爭與濟不作
而太和以成斯禮也惟聖人行之惟聖人能言之周衰籍散漢
儒掇拾以傳於今宋元以來各疏其辭發其意要在抱綫舉墜
什不失一而已先王所以因時而立法量土而制宜度材而器
使稱事而報功精意至道後人莫能溯其本窮其末何由設施
厝注俾之各得其所也夫以聖人之書精之至於神鬼格麟鳳

集其次粗舉大畧足以苟安其謬者泥而罕通假而召亂禍烈於秦火然則聖人制禮命官之本意其不可以不深思而切究之也久矣同年丹陽姜子上均各兆錫好古不倦尤研思三禮之學所著周禮輯義述齊聞抒己意務在昭象而考數審文以辨制事道貫而辭理徹今之學者用心極於此禮書之復明聖人之道之不廢其可幸也於戲執遺經而蒐羅爬剔窮且老不悔使千鈞繫於一髮儒者之責也若夫準古今定損益興禮成官曲脩

聖天子垂衣端拱行道於上有司凜凜奉法罔敢隕越抑訪是書而獻之庶幾供萬一之採擇云爾

庚戌十月既望嘉慶元年

周禮輯義序三

余友姜子上均潛心周禮數十年著輯義若干卷予受而卒讀之且質之曰凡治經之難匪直辨其文而已必將斟酌權變勿使泥乎古而悖乎今然後弛之而無往不適於用昔周盛時列聖相繼重熙累洽周公舉六官之制勅爲成書垂示久遠其所因者二代損益之餘而其時分土授民者又多具聖賢之材足以奉行而無弊故雖闕闕卜祝衣膳泉貨之屬絲聯繩貫委曲繁縟而天下不以爲煩自漢以來諸儒區區補綴鄭荀賈馬之徒類能言之而或竊其緒餘以見之行事則王田市易青苗均輸諸法紛然錯出而交亂於天下嗚呼習岐輪之畫而不

知疾者楚痛之所在。庸醫且挾書以殺人而豈作書者之罪哉。蓋嘗論之。自秦并天下。罷侯置守。積重之勢歸於上。而比閭族黨之任。不得不輕。夫上重而下輕。則民以簡畧爲宜。而周官之煩重無所用。又况五等之封。鄉遂游洫之制。多與他書相抵牾。顧欲從數千載後復古道而行之。不已難乎。易云。觀其會通。以行其典禮。夫亦師其意。勿泥其迹可已。今

天子制作明條。監百代而折衷之。百工兢兢法守。罔敢不共。而吾友遠蒐舊章。於此兵農朔祭之大。乞於車旂服物之詳。纖悉具條。洞若觀火。豈徒肆稽古之力哉。毋亦令讀是書者。相時宜。辨風土。經經緯緯。會周公致治之原。爲

聖主章紳熙揚鴻烈庶毋泥乎古而悖乎今云爾美于憮然曰然遂
書之

康熙己亥立春後五日同里王澍序

周禮輯義後序

自漢以來談周禮者亡慮百十家宋陳君舉嘗進周禮說序曰
二鄭諸儒崎嶇章句窺測皆薄物糾按而建官分職關於盛衰
大指悉明弗若漢魏後頗采周禮亦無過輿服官名緣飾淺事
而王道缺焉蓋廢又曰藝祖列聖任子及於異姓取士及於特
奏養兵及於刑具蓋周衰且千載而詩書之意於是焉在也君
舉於周官之學雖不醇而其見固已卓矣然嘗因其說推之彼
所謂特奏者乃屢舉不第守執侍從覈其藝學湛焯者循五甲
奏名如羅豫章先生是也矧今姜子少與計偕植學復三十載
尤條析鈎貫於周官經世之指年又財鹵服政而何不俾之一

少展其學乎。昔宋宣文君。儒家女耳。背負父所授周官音義。於鹿車推徙之間。諷誦不輟。後存秦立講堂其家。置生員百二十人。隔絳紗幔而受業。周官學復行於世。北周使尹公正語周禮。齊人不能對。乃令熊安生至賓館。一一演說。咸究根本。公正深嗟服。而還周禮不肄於學宮。且四五百載。今姜子獨力探其文。詳釋其義。又當可以有爲之年。奉

召以愛鄉。遂大夫之職。而卒以病不果行。遂陳情闕下。

予放還山。意者天適欲昌周官之學於講堂賓館間。而不徒宋齊兒女子故事已乎。姜子勗哉。今其南也。有司且當彙萃飾輪以埃。康熙戊戌十二月二十六日宜興儲大文書。

寅清樓撰述書目

周禮輯義

寅清樓方音初集

志學齋永言

春風亭倡和詩

寅清樓小題制義

寅清樓詩經稿

寅清樓直省考卷選

以上書籍計七種已刻

禮記章義

書經蔡傳本義

春秋胡傳本義

春秋公羊穀梁經傳通義

爾雅參義

孝經本義

汲冢周書刪翼

大戴禮刪翼

家語正義

孔叢訂義

朱子楚辭參義

列女傳訂義

新序訂義

說苑訂義

春秋李義慎考

羣經本末攷

周禮類攷

適我園道編

寅清樓文集

寅清樓方音二集

寅清樓方音三集

方嶽採風錄

徽國文公世澤彙編

寅清樓世澤錄

寅清樓大題制義

寅清樓歷試章

寅清樓詩經存稿

古文叢道編

國朝五十大家選

國朝墨卷選

國朝考卷選

以上書籍計三十一種即刻

右已刻續刻通計三十八種皆家君撰述而重所與聞其義而

編次者也家君曩從坊隲有寅清樓詩經稿百三十首四書小

題制義六十首方音初集六卷及直省考卷選已授梓而以討論經學凡經書制義及詩古文所未授梓者固十之六七也。曾念經學自洛闢論定爰掃荆榛然今所立於學官者惟四子書及易詩二經定自朱子而已餘經如尚書秦傳春秋胡傳雖世所宗而朱子且以未盡論定爲憾也。况東漢陳氏之於戴記乎况凡散見於十三經而註疏以下駢駁之諸家乎。故家君於十三經除朱子集註外皆爲論次其義黃氏之於儀禮猶蔡氏胡氏之於尚書春秋也。家君擬以查遠從之矣。餘書若文選不盡闕於經凡所撰述皆以輔經也。家君別號素清學者居邑東白鶴溪之勝村車馬輪蹄所罕至長年惟好習靜年弱冠宛平高素侯先生視學南中拔取縣學第一庚午省試中經魁凡十一試春官膺房薦者三丙戌會闈本房張志尹先生以會元薦。擬裁欲置第六坐力學反見斥然家君少淡進取中年後遂罷科舉之業而其後部掣楚令亦以病陳乞還山矣。凡沐聖世之餘閒潛心理學固遇爲之哉亦志使然也。男允重謹識。

周禮目錄

卷之一

天官冢宰第一

天官冢宰總序

天官冢宰序官

天官冢宰序職上

卷之二

天官冢宰序職下

卷之三

地官司徒第二

地官司徒總序

地官司徒序官

地官司徒序職上

卷之四

地官司徒序職下

卷之五

春官宗伯第三

春官宗伯總序

春官宗伯序官

春官宗伯序職上

卷之六

春官宗伯序職下

卷之七

夏官司馬第四

夏官司馬總序

夏官司馬序官

夏官司馬序職上

卷之八

夏官司馬序職下

卷之九

秋官司寇第五

秋官司寇總序

秋官司寇序官

秋官司寇序職上

卷之十

秋官司寇序職下

卷之十一

冬官司空第六

冬官司空總序

今闕以篆字六曲六及書周官之文依五官而補之

冬官司空序官

今闕

冬官司空序職令

闕

附 攷工記總序

攷工記序工

攷工記序職上

卷之十二

攷工記序職下

右周禮六官者周先聖文公營洛以後制治之遺蹟也周自先
公古公邑於岐周嗣文王遷豐武王遷鎬皆不出其百里之內
而時於一切制度亦有未遑者至武王崩成王幼文公相之乃
始治洛爲都以控羣服朝諸侯世謂之成周而制作亦因以起
焉經首所謂辨方正位體國經野之法及大司徒所載考日景
以求土中而爲天地所合四時所交與夫風雨會而陰陽和者
蓋指諸此此周之建邦宅土與其制禮作樂所以相爲終始之
實也然此書今闕冬官而餘官亦多有闕說者以爲廢亡於秦

火或以爲司祿之屬強侯去其籍或於小司馬之屬又以爲事
貴神密而秘之其論蓋有不定者獨九峯蔡氏謂周禮本末未
備周公未成之書也故其間法制有未施行而與諸書亦多異
焉此雖各條未必盡然而大義通貫宜未有過之者也書以禮
名而備紀六典者偏言之則邦禮與邦治邦教之類雖分列爲
一職而專言之凡六典皆禮也歐陽子曰三代而上治出於一
而禮達於天下三代而下治出於二而禮爲虛名禮者載道之
器而所以制治之實也後世離禮與治爲二於是以儀文若讖
緯之屬而謂之禮以名法之末若功利之術而謂之爲治嗟夫
道法貫而禮成心迹岐而禮晦不明乎道而言禮而聖人之心
法治法胥乖矣自東漢迄於北宋之著義立法
者是也丹陽姜兆錫上均氏謹書於鶴溪書屋

周禮本末考三則

唐賈公彥周禮典義叙曰周初制禮禮教興行後至南王禮義
紛亂故晉侯趙簡子見儀皆謂之禮孟僖子又不識其儀也至
於孔子更修而定之時已不具孔子卒後復更散亂故藝文志
云仲尼既沒而微言絕七十二弟子喪而次義乖又云尉廩請
侯將踰法度滅去其籍至秦大壞此也漢初高堂生傳十七篇
高堂生以下傳魯徐生取丘瑯齊東海孟卿及后蒼戴聖鄭周
之五傳弟子所傳十七篇即儀禮也周禮孝武之時始出秘而
不傳故馬融周官傳云秦用前君之法與周官相反始皇禁挾
書特惡之孝武始除挾書律開獻書之路既出於山巖屋壁復
入於秘府五家莫得見又云劉向子歆授理秘書始得列叙著
於錄畧架儒共排為非唯歆年幼得識末年乃益知其周公致
太平之迹弟子綴氏杜子春永平初年且七十能通其讀鄭眾
賈逵往受業焉皆謂此也鄭玄叙云世祖以來大中大夫鄭少
贛子大司農仲師議郎衛次仲侍中賈蒙伯南郡大夫馬季長
皆作周禮解詁斯可謂雅達廣覽者也然猶有參錯同事相違
然則周禮起於劉歆而成於鄭玄附麗之武帝以周官為末世
遺亂不聖之書故林孝存作十論七難以排之而何休亦以為
六國陰謀之書唯鄭玄知周禮乃周公致太平之迹故能答林

碩之論難使

義得條通也

宋蕭陽鄭樵進仲三禮總辨曰禮有三曰禮記曰周禮曰儀禮周禮儀禮乃周人之禮而所謂禮記者特其傳註耳漢興禮經焚燒獨其唯魯高堂生所傳儀禮一十七篇與夫后舍曲臺雜記數萬言而已而周禮一書至武帝時河間獻王得之女子李氏獻於武帝藏之秘府漢世諸儒傳授皆以曲臺雜記故二戴禮在宣帝時立於學官周禮儀禮世雖傳其書未有名家者至鄭康成然後二註之訓釋始具至孔穎達賈公彥而後三經疏始傳焉

曲臺射宮名漢初西京無學行禮於曲臺孝宣時后舍記其禮數萬言號曲臺雜記以授獻慈戴聖通謂爲四十九篇即

今禮記也

元陳川吳澂幼清周禮叙曰周官六篇其冬官一篇闕漢藝文志序列於禮官後人名曰周禮文帝嘗召至魏文侯時老樂工因得春官大司樂之章景帝時河間獻王好古購得周官五篇武帝求遺書得之藏於秘府哀帝時劉歆校秘書始著於錄畧以攷工補冬官漢末馬融傳鄭玄玄爲之注宋張子程子皆專信之朱子謂此經周公所作但當時行之恐未能盡後聖雖復

損益可也。至若肆爲排解，則陋耳。冬官雖闕，今仍存其目，而攷工記別爲一卷，附之終。

周禮輯義附論十一則

讀周禮須先知道能知道則知周公之心，卽三王四事之心矣。程子云：必有闕難磨泐之意，然後可行廟官之法。其於聖人際其心矣，知

道故也。

讀周禮體道者謂之道，術器者謂之器。末學之文爲曲學之功，利異學之識爲俗學之詞章。與夫一切雜學之破壞，湊附皆離道術器之弊也。故

道器一謂之禮。

讀周禮訖然後聖人裁成輔相以左右民，其道方盡。以君而盡君道，以臣而盡臣道，故曰正心以正朝廷，以正百官，以正萬民。故曰道二，仁不仁而已。仁則正且盡，不仁則不正不盡也。

讀周禮治道方有把握處，他經非無把握，但他經所說如散錢，此方是貫子。他如離宮別院各成一構，此如明堂九室十二廡堂階戶屬皆整齊畫。

一又各通貫不闕。

周禮各官職制度如一官職一制度相似若黃

周禮不通貫便是一官職制度終無有明處

前輩論周禮各官如財賦則有九職九賦及凡徵之偏正田制

軍制則有鄉遂公邑采地之分合封建則有各等數服數及朝

貢享幣之異同祭祀則有郊社禘祫及凡祀之純雜凡此之類

煞可疑學者須於不可通處求其通至必不可通乃闢之始得

且如田制分合舊註以遂人之十夫有溝與匠人之九夫爲井

不合而以小司徒之九夫爲井者合諸匠人其夫數固合已又

以小司徒甸都之里數狹而匠人成同之里數廣數終不合因

率謂小司徒法地三之一治澶澮以合其里數其說諸家多惑

之而詳味林氏葉氏諸說則其非甚矣據所引春秋傳楚爲掩

書土田之九條是九州之地之總數內除度山林地畷澤辨京

陵表淳鹵數疆濼庠假溝六條是九州中不耕之地數與凡都

邑宮巷之屬約去地三之一其町原防一條卽司徒再易之下

地牧隰單一條卽一易之中地井衍沃一條卽不易之土地凡

三條之地是九州中耕地之數計居地三之二而其中一易再

易之萊與溝塗之屬皆此耕地三條中之數也到後來李惺辟

草萊任土地然後三條皆爲墾耕之地如此看來是通九州之

地總計之所謂天地三之一者指山林數澤之類與都邑宮室

一以治滄澆如註者之妄也。這分數明覺透人之十夫與匠人之九夫本無二制不得妄分而小司徒之九夫爲井以下乃以計數任賦非以畫形制井其於匠人本非一制又不得妄合矣。自此井地定則鄉遂縣都家之屬皆有下落向來不應分而分及不應合而合乃都是取空說餘詳別制分合二辨中。

周禮可疑處有四類有與他經隔闕處有本經各條相隔闕處又有制度亡散陳澧不可得通又註疏及諸儒前後彼此益滋隔闕四類中其與他經隔闕處書周官蔡傳說得最好則禮書不成故其法有未施用徐常吉亦謂若唐之開元顯慶禮未之行也其餘類

則須細考

周禮文字輩其整齊中却有錯綜處各條或自相隔闕蓋以此學者須於錯綜處得他整齊便無疑某十五歲後喜聞此書覺期期如百問屋其後十年乃不敢讀遇有隔闕處漸茫然然今看來多是三例一省文之例一互文例又一變文例

某年四十後潛心討玩每所疑自本職奉之他職又自本經注疏編奉三禮各書傳及諸經解凡正補大學衍義綱目史漢杜佑通典馬氏文獻通考之屬近或數日多至數月然後所疑一條稍有見處緣性魯令亦未信得無疑但比曩差覺少耳其嘗

言讀書自無疑看到有疑是一半工夫再自有
疑看到無疑又一半工夫這語覺非其妄說
注疏於聖經功與過略如周禮自林碩何休之徒肆說以來得
鄭氏而顯故爲功魁然其於一切疑義不慎附論妄以臆揣而
賈氏附之乃爲過始此葉文康所深歎也按所稱郊社禘祫之
屬之失先儒趙氏等正之已久若其田賦朝覲以下宜加及析
者今不置僭論附詳於篇非敢妄論前賢
正欲剖瑕以表瑜也姜兆錫上均氏又隲

周禮卷之一

姜兆錫輯義

天官冢宰第一

左天地春夏秋冬凡六官冢宰稱天官猶司徒

也冢大也宰制也又治也天官卿事無不宰故名冢宰唐虞時
爲百揆虞書舜納於百揆百揆時叙蔡傳以爲揆度百務之官
也商爲阿衡阿之言保衡猶平也云第一者合下五官而語其
次也吳氏曰爲治莫先於教化故冢宰之後司徒次之教化莫
先於禮樂故宗伯次之教之化之而猶有不率則大者加之以
甲兵小者加之以刑罰不得已也故司馬司寇次之教化行暴
亂去而後民得安居故以司空之居民終焉此冢宰所以居第
一也其通以天地四時名官者何氏謂取其序以爲名號之別
如後世甲庫乙庫之類非有意義也然按六官本自別爲官號
而又冠以此者蓋以其取法天地四時之義冢宰稱天官以
其總攝衆官猶天道統理萬物也司徒稱地官以其安養萬民
猶地道載養萬物也禮文繁興象春發生故宗伯稱春官兵威
震赫象夏長盛故司馬稱夏官刑罰嚴厲象秋肅殺故司寇稱
秋官居處安寧象冬嚴肅故司空稱冬官此於義或有然也司
徒司馬司空皆言司而冢宰不言司者諸官各主一事而
冢宰兼總六官也宗伯亦不言司義見木職○劉氏中義曰天

者萬物性命貴之爲始故冢宰掌治以法天也地者萬物形質資之爲生故司徒掌教以法地也遂天之所以始成地之所以生此所以萬物各正性命而品物咸亨也潛室鄭氏曰天官以下其分雖異其功則同天官者以治教禮政刑事爲其治者也地官者以教治禮政刑事爲其教者也春官者以禮治教政刑事爲其禮夏官者以政治教禮刑事爲其政秋官者以刑治教禮政事爲其刑冬官者以事治教禮政刑爲其事者也譬言天而五行四時統於天言地而五運四氣統於地春夏秋冬各以其時行而覆載生成之德各正具備也

天官冢宰總序此首言王者設官分職以立天官冢宰之意乃第一官之總序而其下因序其官與職以明之也餘官放此

惟王建國辨方正位體國經野設官分職以爲民極乃立天官冢宰使帥其屬而掌邦治以佐王均邦國

禮一書言聖王之設官分職而首稱其建立邦國者綜始而言也王者若天下之綱國其所都也辨方辨東西朔南之方正位正南而答陽之位體猶分也分

營國中以爲廟社朝市宮寢門塗之屬如人之有體澤備也畫
治野外以爲鄉遂都鄙神畛溝洫之屬如織之有經設官卽天地
春夏秋冬六卿之官如治官之屬以下是也分職則天官主治地
官主教春官主禮夏官主政秋官主刑冬官主事六者之職如大
宰之職以下是也爲民極謂爲斯民至極之際準德承建國以下
而言缺稱領也本官自大宰至於夏采皆治官之屬而此則謂小
宰至夏采皆爲大宰所屬而帥之也掌之言聲也謂攝而舉之如
物在掌握也邦治卽六典之治典均平也書謂官家宰掌邦治教
百官均四海○王氏曰四海之治歸王畿王畿歸王朝王朝歸于
邦王建其有極而王道不出於此故六官篇首皆以此誦冠之集
氏時曰王畿立而根本定方位設而等級明闕野分而體理正官
職舉而綱目張民極之立軌大於此更氏有言曲禮三千一言以
蔽之曰毋不敬時謂經禮三百一言以蔽之曰爲民極也節解鄭
氏曰或問周公之序六典也分職以下每舉之以爲民極此特建
國之始未見其與於民也民何遽取則於此曰先王之教天下未
始有精粗本末之間也夫朝不混市野不踰國人不侵官后不敢
以奸王權侯不敢以僭國制六卿六教相屬而聽命於一尊以銷
其冒上亡等之心而寓其道德之意益孔子所謂無行而不與者
是以其民志慮不易視聽純一易自淳龐而從上之令此所以爲
民極也疏曰周禮以邦國導言者據諸侯也單言邦單言國者多

據王國也。今不言均王國而言均邦國者，若言王國，恐不兼諸侯。今言邦國，則舉外以包內也。東萊呂氏曰：家宰均邦國者是使貴賤小大各得其平，若商柯衡之謂也。天下本無事，須是識得易簡道理，能行其所無事，方盡得均平之職。不是要作聰明之謂也。愚按：偏言之，則冢宰之帥其屬與五官之帥屬同義。六卿乃六官之綱也。若專言之，則六官之各率其屬者，總屬之天官冢宰。此冢宰爲大綱以統之，而各官之綱亦若爲目也。綱以統綱亦目以統目。如六官正之下有丞、丞之下有貳之類，皆同次一署以爲之屬。又如地官之鄉老、送人、遂大夫、胥師、春官之太司樂、大胥、太師、太卜、夏官之軍、將、大僕、秋官之膳夫、醫師、酒正、宮人、大府、內宰、九嬪、典婦功、同署之屬，如天官之膳夫、醫師、酒正、宮人、大府、內宰、九嬪、典婦功、地官之鼓人、牛人、載師、師氏、司市、司門、旅師、土訓、山虞、廩人之類，其下皆不同署而適爲之屬。餘官亦然，是爲各官別署之屬。凡此皆爲小綱以統之，而目亦遂爲綱也。周官一書，虞始之邦布歲時，若三年之勾考，只是帥屬之義明而若綱在綱矣。爲治者所宜盡心也。

天官冢宰序官

此治官之屬以下乃序天官設官之數，故謂之序官。而大宰之職以下則序天官分職之

事。故謂之序職。蓋上文設官分職總叙其綱，而以下分叙其目也。冢宰官兼敘其

治官之屬大宰卿一人小宰中大夫二人宰夫下大夫四人上士

八人中士十有六人旅下士三十有二人府六人史十有二人胥

十有二人徒百有二十人大宰之大音恭齊讀如韻上聲凡官名序官音釋序職不更音釋並放此○不

辨天官而更稱治官者承天官掌邦治而言又名冢宰為大宰者

對小宰而言也必名大小者大宰掌建治法正君身以正百官萬

民故名大宰而為治官之長若小宰職專王宮其於大宰之職皆

試之而已故名小宰也又繼之宰夫者掌治朝之禁令以待吏民

而考法故名宰夫矣卿即上大夫也卿六命中下大夫皆四命上

士三命中士再命下士一命大宰小宰宰夫之屬皆官卿大夫士

皆爵下士治事繁故員倍中士而謂之族也下大夫以上皆有官

有爵有職其上中下士惟有爵而無官與職六官中惟司馬之屬有與司馬上士行司馬中士之官職司寇之屬有卿士上士之官職而已其無官職者蓋其職即散見於其上之各職與府治藏者猶今之庫官史掌書者猶今之令史胥徒皆給役者猶今之隸卒胥有才知之稱乃徒之什長也冠以大宰即下文所謂建其正大以小宰所謂立其貳又次以宰夫所謂設其及上中下士所謂陳其殷府史胥徒所謂置其輔也各官職多別署而大宰與小宰宰

夫異官異職而同事者職相贊也丘氏曰自下士以上王所簡命皆爲王臣府史胥徒其官長得自辟召非王命也以上各條餘官並放此○簡鄉鄭氏曰古者官不必備惟其人周初三公召公爲太保周公爲太師而太傅無有焉周公歿而太師又無有焉委兼之也六卿亦多以三公兼之周公兼冢宰召公兼宗伯蘇公兼司徒畢公毛公兼司馬司空惟成王之季年芮伯彤伯衛侯實專領司徒宗伯司寇而已大者猶兼况羣有司乎政刑禮二卿公一人是三公兼鄉老也一鄉鄉一人是六鄉兼鄉大夫也軍將皆命鄉是六鄉又兼軍將也六官以多少相乘除一官約五百人則六官凡三千人而其兼行權攝者蓋多矣府史胥徒蓋九職中閒民無常職者也以天官攷之計二千六百九人外餘人內豎等又六十四人女祝女史女酒女漿女蠶女織女染女美等又一千一十六人凡三千六百八十九人地官除山虞川衡司園司門等不可攷者實計尙三千餘人以天官爲準通以三十六百人爲額不限以兼攝則六官凡一萬九千八百人也疏曰按宰夫八職云府掌官契以治藏史掌官書以贊治胥掌官叙以治叙徒掌官令以徵令府史大例皆府在史上史倍其府惟御史史百有三十人特多而史又在府上以其掌贊書數多也又有府兼有史者以其常職事煩或空有史而無府者以事少得史卽足也至角人羽人等直有府無史以當職文書少而稅物須藏也膳人食醫等府史俱

無者以專官行事更無所須也周禮惟司尊彝之屬府特多於宗以所藏物重故也陳氏雜說曰牛弘問周禮上多而府史少何也劉炫答曰古人委任責成歲終考最案不重校文不煩悉府史實要目而已今則不然大小之官悉出吏部職介之迹皆屬考功此府史多於古也官制曰大宰至旅下士凡六十三人而府史胥徒止百五十人五官亦然也王所以省吏員者至矣吏省則祿易給更有祿則人知自愛漢猶如此意雖告吏有斗食之秩此也自郡差變爲履役官事付之遊民又從而奪其庸焉是教之爲奸也平仲王氏曰成周之制下士與庶人在官者同祿官與吏無甚分也西京去古未遠蕭曹以刀筆吏爲元勳終西京之世賈公彥亦多出胥史其博士弟子明經者多補太守卒吏東漢流品漸分然胡廣爲郡徵更袁安世傳易學爲縣功曹總奉讀書五行並下而爲郡決曹吏王允徐舉皆從事功曹無他始有祿以養廉而其後有以盡其用也後世但抑其格則不受重者十大而九此亦馮之長

宮正上士二人中士四人下士八人府二人史四人胥四人徒四

十人宮謂王宮也正長也掌王宮之禁令而爲宿衛官之長故名也大宰諸官以下卽繼此者邦始以修齊爲本宮禁其首重

也

也。○疏曰：序官之先後，以緩急不以尊卑。故宮正上士兼天官爲先，而內宰下大夫兼天官爲後也。

宮伯中士二人，下士四人，府一人，史二人，胥二人，徒二十人。伯猶

亞族之伯亦長之意也。宮伯無僚屬而名伯者，凡王宮之士庶子在版者皆屬焉。猶各官稱師之義也。○王氏曰：以分職言，宮正掌百官府執事於王宮者之長，宮伯掌士庶于宿衛於王宮者之長，以兼職言，則宮正總王宮之戒令，糾禁宮伯亦隸之也。莊梁魏氏曰：宮正宮伯相爲長，或先王燕居宮中，宦寺婦人皆不得在側，左右前後所與居者惟士耳。

膳夫上士二人，中士四人，下士八人，府二人，史四人，胥十有二人

徒百有二十人。物善曰：膳，掌王及后世子膳羞之屬，而爲食官之長，故名膳夫。詩小雅云：仲允膳夫。在漢爲少府是也。以下十官次宮官之後者，飲食於室，修身之本也。○葉氏曰：書

云：惟辟作威，惟辟作福，惟辟玉食。玉食與威福並言，而天官膳夫之屬其辨物也，以時其用物也不妄，不徒口體之養，而以養其心

是以移氣修體耳。目聰明血氣和平，蓋諸職之有助於王，而享之

大率也。如此，西漢太官令，猶隸於少府，而掌於丞相御史，東漢以奄主之，晉蜀之光祿，渡江以後，又隸之侍中，唐則隸之內侍省，而

大臣皆無政令於其間矣。平仲王氏曰：論者謂王莽之椒酒梁冀之炙餽，皆因飲食以肆大惡，使周公之法行，當無是禍也。按周公之法，士爲膳，夫諸官家宰統之，而後世因飲食肆惡者，卽出於大臣。安在士爲之而遂絕惡萌乎？蓋六官得人而後全其爲家宰，家宰得人而後全其爲君，書云：知人則哲，惟帝其難。之勞於求賢，遠於得人，此周禮不言之微意也。

庖人，中士四人，下士八人，府二人，史四人，賈八人，胥四人，徒四十

人。賈，音古，各序官之賈同。○庖之言也，裹肉曰苞，藉肉曰苴，掌人供厭高之名物，以供膳羞之屬，故名。庖人，獨置賈者，欲知市價也。凡諸官設賈者，並放此。

內饗，中士四人，下士八人，府二人，史四人，胥十人，徒百人。饗，和也。調和也。

食曰饗，名內饗者，掌供王及后世子膳羞之屬，及內祭祀凡用之在內者，故名也。

外饗，中士四人，下士八人，府二人，史四人，胥十人，徒百人。名外饗者，掌供

外祭祀饗食及凡用之在外者，故名也。

亨人下士四人府一人史二人胥五人徒五十人

亨烹同。○名烹人者掌供內外

事外無道道外無事也。後世士多清談。凡日用之事。委爲賤役。事道判矣。讀周禮者以此類求之。

甸師下士二人府一人史二人胥三十人徒三百人

甸地在遠郊百里之外爲

公邑之田。而天子供養盛之籍田。亦在焉。故立官董治。而謂之甸師。甸師無僚屬。而以執率其徒役。故以師名。凡無僚屬而名師者。放此。徒三百人者。籍田千畝。耕徒費多也。膳夫以下五官。列署於內。此以下五官。列署於外。皆主以水陸死生蠱饘之物。入於庖養之屬。甸師以下士。列各中士之前者。蓋養盛爲重。與○葉氏曰。甸師掌王籍者也。而列於食官。豈以其帥徒役內外饗而列此耶。非也。先王設飲食之官。雖供王膳。實崇祀事。甸師而上有膳庖。養亨之官。下有厭敵膳之官。一食且祭。其先一物不忘其本。而况養盛之奉耶。以甸師列於食官。不忘孝也。

獸人中士四人下士八人府二人史四人胥四人徒四十人

田賦

以供祭享膳羞之屬故名也。

敵人中士二人下士四人府二人史四人胥三十人徒三百人

同○掌以時漁而供祭享膳羞之屬故名也。徒亦如甸師三百人者馬氏謂取魚處多也。

隨人下士四人府二人史二人徒十有六人隨五物也掌取五物

三職府史數同者其文書不繁於收藏也徒無胥者徒自爲之而已後凡府史同數及有徒無胥者並放此○舒氏曰吳氏以甸師屬宗伯俞氏以獸人以下三官屬司空夫天子耕藉以帥先天下治本也豈可因耕藉以供樂盛且爲春時之事遂屬之春官哉獸人等皆供內外饗膳羞類有所聯不可他屬也。

膳人下士四人府二人史二人徒二十人膳音昔○乾肉曰膳

也掌凡乾肉之事以供祭享之屬故名也。

醫師上士二人下士四人府二人史二人徒二十人諸醫官大此

有疾病故慎之也名醫師者掌凡醫之政令也

食醫中士二人

名食醫者鄭氏謂食有和齊藥之類也諸醫官列

醫而已故無也凡職卑無役者放此○王氏曰易之頤君子以節飲食疾本於氣體之不和始於飲食之不節無事之時順適有道疾何自至哉此食醫所以設也柯氏曰善理身者未病而調節立食醫以奉王而不敢言疾以致尊養之義也舒氏曰素問言不治已病治未病是也

疾醫中士八人

掌養萬民之疾病故民也於王稱食醫而已於民直稱疾醫別上下也○三禮辨曰本職凡民之有

疾病者分而治之則疾醫非一科也然僅有士八人豈治止邦內而邦遠都鄙有不及與惡接治仰邦內八人亦不給也蓋聖王之時宇宙大和鮮大災沴其以危困入請於醫府者百無一二耳醫師謂凡邦之疾者瘍者造焉則使分而治之蓋不造者不煩因醫也然則八人不亦可乎

瘍醫下士八人

掌腫瘍以下諸瘍故名謂瘡頭有創則沐身有瘍則浴雜說謂疾醫治內證瘍醫治外證是也

獸醫下士四人

獸謂畜也爾雅兩足而羽名禽四足而毛名獸故牛馬亦有獸稱而醫之者名其官也○舒氏曰獸

醫與醫師本以醫從而俞氏謂獸醫屬司空何哉况人無天札物無疵癘尤君相之責非五官所能盡也

酒正中士四人下士八人府二人史八人胥八人徒八十人掌酒

今故名酒正而爲其下八官之長也次北於膳食之後者酒醴簋豆皆以行禮非徒以爲食也以交神明以洽賓客禮之大也

酒人奄十人女酒三十人奚三百人掌爲酒以供祀賓之屬之用故名酒人奄今之宦寺也役

爲女奚故官以奄雜說謂天官一屬凡奄奚皆在宮執事者是也女役無府史者酒漿二者蓋酒正之府史統之若醴醢以下雖無府史其女籩女醢之屬則繁矣地官春人饗人聚人放此女酒女漿爲奚之長猶胥爲徒之長也酒漿役多於籩醢以下而酒尤多者事較煩也○明齋王氏曰天官酒漿籩醢醢及地官春儲菜綉諸女工主給中饋卷蠶盛縫衣裳皆宮內細密之事而天官又有女祝女史主贊后夫人禮事春官守祿又有女祝主守藏衣服皆非士人所得與故設官並冠以女皆擇民間女子善其事者克之其次者爲奚用以供役大約皆如庶人在官之徒內宰所云分其人民以居之者此也而舊乃以女奚等爲女奴夫婦人犯罪爲

奴請辭常居七八士師聽於勝國之社雖開閭尚不使聞豈可使
之入禁中近嬪嬙之屬哉秋官司屬云其奴男子入於罪隸女子
入於春棗則他職蓋未嘗與况執禮事而爲酒漿至視史之役乎
禁暴氏云奚隸聚而出入者則司牧之女奚得有出入而禁暴氏
司牧之則其非幽閉之奴明矣且春棗煩勞故使女奴執役而以
女春女棗及奚五人爲之統理若傭事精潔卽非女奴所得與故
設有奚四十人也使必以奚爲女奴則豈春事之煩而五人能盡
之辦事較簡而反多至四十人耶愚按王氏之說亦疑矣但司屬
之奴本謂從坐之男女初非淫僻幽閉之婦且禁暴氏奚與隸並
稱正與司屬女奴男奴之所入者相合不得謂司隸之男女爲囚
閉而禁暴之奚隸獨司牧也今求之以義蓋奚乃婦之賤者之稱
凡女子沒入春棗而禁暴氏亦通稱爲奚者此散文其春人棗人
職女與民奚皆執役而女奴沒其女獨民婦稱奚者此正文也女
奴沒其文者役賤且互見同屬職也如此庶司隸禁暴氏之職皆
融而王氏之說亦可通與

樂人奄五人女樂十有五人奚百有五十人

掌供王之六飲及凡飲之用故名也亞於

酒故役半於酒人

凌人下士二人府二人史二人胥八人徒八十人凌冰室也掌藏冰於冰室故名

詩二之日鑿冰冲冲三之日納於凌陰春秋傳古者日在北陸而藏冰西陸朝覲而出之是也凌人不用奄者以役非女奚也

籩人奄一人女籩十人奚二十人掌籩故名籩人此以下女邊女之類其與奚浮於什長之數

者邊醢之屬事省而緒繁其用智者宜多矣

醢人奄一人女醢二十人奚四十人醢肉醬也有骨爲醢無骨爲醢掌醢故名醢人也下三職

之從稍多於羹人寡人者其物並須治爲之故也註曰醢豆實也不謂之豆者豆不盡醢也疏曰天子豆百二十上公四十侯伯三十二子男二十四上大夫二十下大夫十六其實兼有醢

醢炙膾之屬今醢人惟掌四豆之屬而已故不名豆人也

醢人奄二人女醢二十人奚四十人醢醢也掌醢故名醢人

鹽人奄二人女鹽二十人奚四十人掌鹽故名鹽人

冪人奄一人女冪十人奚二十人冪音覓○掌以巾冪覆飲食故名冪人

宮人中士四人下士八人府二人史四人胥八人徒八十人

掌王宮六

寢之修之屬者故名宮人而爲以下四官之長也對文宮寢各官散文寢亦名官矣官次義見膳夫○王氏曰寢中之事後世皆屬之宦寺而周公以屬士人欲其盡承弼啓沃之功而無違逆消飾之禍也漢猶近古孔光以名士執唾壺侍中後世宮人之職亡矣

掌舍下士四人府二人史四人徒四十人

掌王會同官舍之屬者故名也以下三官皆不

用胥未詳豈野地

視宮中爲簡易與

幕人下士一人府二人史二人徒四十人

幕音莫○掌朝會之類帷幕帳幕之事故名也

掌次下士四人府四人史二人徒八十人

居曰舍止曰次掌朝會之類王次之法以待張

事故名也掌次府與徒皆倍幕人者事煩也

大府下大夫二人上士四人下士八人府四人史八人賈十有六

人胥八人徒八十人

大府之大音泰○名大府且爵以下大夫者冢宰制國用此爲治廢官之長非諸長比也

次此者冢宰掌邦治爲大而制國用爲要也。用賈者以知物美惡價貴賤也。○周禮菁華曰：大府總凡貨賄之入而頒之諸府以供邦用。又以司會總其會司書總其書。職內以量入職歲以稽出。職幣以振幣餘其積如此而皆隸於冢宰以制國用。冢宰以道佐人主皆有定式頒之。茲成周常有三十年之通而民無凶荒水旱之患也。

玉府上士二人中士四人府二人史二人工八人賈八人胥四人

徒四十有八人掌王之金玉玩好兵器凡賈貨賄之藏而名玉府者玉爲重也設賈且設工者將察治之也胥四人

而徒過乎什長之數者職繁也後凡設工及徒不止十倍於胥者並放此

內府中士二人府一人史二人徒十人掌凡九貢九賦九功之貨

之大用而名內府者府在內也○李氏曰玉府內府掌玉器用財賄燕私之物及受貢獻以備賞賜此帑藏之在宮中者而周禮列於大府之下司會司書之政行焉用安得不節財安有不理若以御府禁錢捐之私人省闕之中法制所不行校比所不及傷財害民寧有紀極漢湯沐邑爲私未養不領於經費豈帝西圖萬金聚爲私藏皆衰亂之俗非先王之法也

外府中士二人府一人史二人徒十人率凡邦布之出入以待邦之小用而名外府者府在

外也

司會中大夫二人下大夫四人上士八人中士十有六人府四人

史八人胥五人徒五十人會音怪。○名司會者會之言計日計曰成月計曰要歲計曰會是也財以計爲

重故官次大府之下而爵更尊與。○雜說曰厚財之藏凡府藏之事大府下大夫爲之長至會計又別立司會中大夫爲長其權足以檢括先王措意其遠後世會計皆司農之屬官非先王意矣

司書上士二人中士四人府二人史四人徒八人書簿書也掌會計之簿者故名也

也

臧內上士二人中士四人府四人史四人徒二十人內納同。○字

數者故名也

職歲上士四人中士八人府四人史八人徒二十人

韋邦之歲出之數者故名

也潘溪鄧氏曰職歲制國川以歲爲斷也○王氏曰職內司入職歲司出各有司則專職內以人攷其出職歲以出攷其入互相攷則職入有時事省故官吏稍少職出無時事繁故官吏稍多也

職幣上士二人中士四人府二人史四人賈四人胥二人徒二十

人掌財幣所餘之數者故名也內外府及司書職內職人歲徒少不設胥此設胥并設賈者事繁且欲辨物也

司裘中士二人下士四人府二人史四人徒四十人

掌供王裘及凡皮事而名

司裘者亦從重也○俞氏曰司裘并後與絲與絮染人追師屨人六官皆冬官之屬也國蒙舒氏曰蒙字掌治典求之王身道德固其本而飲食之節衣服之制皆關心術之微凡所以輔養交修而使之裘褻粹然者也又何疑諸官之屬在天官哉

掌皮下士四人府二人史四人徒四十人

掌獻皮韋故名此職飲於始而司裘成於終也

內宰下大夫二人上士四人中士八人府四人史八人胥八人徒

八十人

名內宰者掌宮禁之事爲內官之長故也次此者大夫治外內宰治內天下之大本也太宰不稱外者兼統內也○

王氏曰王有太宰而后謂之內宰王有司服而后謂之內司服王

有小臣而后謂之內小臣見后之不預外也鄭氏曰天子理陽道

后治陰德風化並行故贊治之官皆曰宰內宰下大夫二人命士

十二人凡內小臣以下各奄官九嬪以下各內官典婦功以下各

掌內之官皆屬焉而兼隸於大宰者女寵近習所以移人君之德

者尤深大臣總之使無敢踰節也皇父作相膳夫內史皆不得其

人晉侯近女而惑疾醫和以爲趙孟之過古人儆君之化其

道如此燕說曰宮中官有宮正官伯宿衛之官今之環衛是也

宮人掌王寢灑掃次舍之事今之修內司是也至內宰凡宮

中之奄豎與諸嬪御者皆在所統今之內侍省都知是也

內小臣奄上士四人史二人徒八人亦掌宮禁之事而亞於內宰

之內也亦稱士者賢也無府者庫藏非其主也後凡有吏無官者

放此○何氏曰奄人爲之而序官以爲上士必其有忠信之心

險諛之行故使食上士之祿而用之也李氏曰先王不以恩掩

雖近褻無得過寵奄稱士止內小臣四人况可卿大夫乎何氏曰

周禮餘奄皆不命也惟內小臣上士四人而已蓋古者悉皆刑人

先王不任其才擇其有謹信端厚可受爵者以掌王后命令贊

事非如後世著青紫者千人皆無故自刑也夫極治之世無他人主親端人正士不使刑人在側而已成周內小臣鬲寺之嚴其職卑其數寡上不得以私昵下不得以非干侍御僕從罔非正人周衰如勃鞞立公子無虧則與廢立又如穆賢薦舍人蒯相如則與廢舉矣持勢怙寵如此漢唐之間尙恐事或永嘉陳氏曰成周盛時內小臣之屬悉統於冢宰西漢制猶近古三公總九卿而少府之官凡內臣皆屬焉當時內臣參選明經之士咸拜議郎更宿王宮以備顧問如楊雄之位執戟孔安國之掌睡堂是也故佞幸如郭道一有細過中屠嘉得召斬之蓋權有所統如此東漢則不然議郎不在宿直中常侍監宦者爲之卒至莽奄用事孫曹專廢立此無異故三公擁虛位而宦者專權莫之制也

闈人王宮每門四人圍游亦如之

掌宮門之啓閉故名註以爲畢者使守門也圍游謂御苑也無

役者職賤故也○疏曰周禮有同官別職者如王宮圍游同名闈人及山澤同名虞川林同名魯是也別官同職者惟官聯耳祖徠原亂曰別禮闈人掌守王宮中門若圍游之禁寺人掌王宮之內人及女宮之戒命而已自漢武帝數宴後庭潛游離館奏請校事多以宦官主之則預政之機以啓亂是以生也愚按舊註引白虎通辨天子圍游百里大國四十里次國三十里小國二十里其考

大如此竊謂天官關人職止稱而游亦如之。後不更詳其職而地官序因人職亦畧而有制則聖王之不盤於田遊可見而白虎通之妄不待辨矣。

寺人王之正內五人

寺之言侍也。正內路寢也。掌侍於王之路寢。故名春秋寺人披自稱刑臣蓋奄人為之。

言奄者省文也。○明齊王氏曰寺人侍王路寢而考序職乃掌王之內人及女宮之戒令。餘則佐世婦禮事。掌內人之禁令及佐內人弔臨於外而已。故知所謂侍者非以執役於王蓋居王所以正其宮人而宮中纖悉無不上聞。此周之內治所以嚴且密也。雜說曰幽王之時寺人傷於譏作巷伯之詩。寺人內臣也。後世多賦忠良招權勢今反惡讒如此。至欲投界豺虎豈不賢哉。古之內臣剛正能守法者雖當亂世猶惡無禮。况成周時乎。

內豎倍寺人之數

未冠曰豎。以上職推之。此蓋散於后宮之屬而不專正內。故通名內豎與自關人以下皆身親

於王宮故各無官府徒役也。○平仲王氏曰先王之制後失其意而為禱烈者莫若宦官。晉及周家合內小臣內豎寺人之數不過十九人耳。後世衣朱紫者輒數千何也。且此十九人者不過給將令灑掃而已。後則刑獄錢穀至將相之權無不拱手委之。至於世

臣可疑重臣可疑此諫臣攀臣無不可疑而腐熏之人則無疑又何也卒之覆國亡家後之視今亦猶今之視昔巷夫觀范宋二史傳可爲

殷鑒矣

九嬪

此卽昏義所謂九嬪名九嬪者嬪之言賓也其職掌牧婦學

我者比也自此至女御皆不言徒役惟祝史則有之者王之嬪御與內外官異故雖掌禮職以教宮中而內宰爲宜理之也豈若率役居署以

治之者哉

世婦

此卽昏義所謂二十七世婦也名世婦者婦之言順也其職

掌宗廟祀賓喪紀之禮以修婦道有順事之義也何氏曰天官春官皆有世婦大官之世婦與九嬪九御爲列天子之嬪妃也若春官世婦專掌后宮之禮上自王后下至內外宗皆其所教乃女官設府於內有尚德者爲之所謂女傅是也天官內宰自外而治內春官世婦自內而達外法制乃備觀春官世婦其屬有府史與矣而內外宗次之其職異於天

官世婦可知矣後儒合之非也

女御

此卽昏義所謂八十一御妻也名女御者御之言侍掌序御王之燕寢有侍奉之義也○註曰內官獨不列三夫人者三

夫人於后猶三公於王坐而論婦禮無官職也明齊王氏曰傳云古者天子立后一娶十二女后與三夫人各騰其姪若婦合之爲十二今言九嬪不言三夫人自世婦以下皆不言其數者以例推之六官唯有六卿三公不必備唯其人則后之六宮當有六嬪而三夫人蓋或攝位如六卿之兼三公也所謂十二女者長者先行幼者待年於國不必一時皆備且君子不苟於色世婦女幾有婦德者克之無則闕豈拘拘於二十七八十一之數哉愚按尚書周官篇立大師大傅大保惟三公而周禮官職皆不載者周禮明六官之職故不及三公也記皆義篇天子立六官三公九卿二十七大夫八十一元士以聽天下之外治故天下外和而國理后立六宮三夫人九嬪二十七世婦八十一御妻以聽天下之內治故天下內和而家理今嬪以上不言三大夫猶卿以上不言三公之意也然官職雖不言而地官序鄉老二鄉則公一人此三公之官之散見也鄉大夫職云鄉老及鄉大夫敘賢能之書秋官鄉士職云三公會其期又云三公有邦事此三公之職之散見也天官漿人職云夫人致飲於賓客此又三夫人之職之散見者其尚書云三公論道經邦燮理陰陽而冬官云夫人以勞諸侯則則禮以外其職亦可見矣是謂公與夫人職要可也謂無職不可也況三公而外少師少傅少保惟三孤併六卿爲九卿而內官序官序職皆云九嬪則六嬪猶六卿而其上三嬪猶三孤亦不啻載三孤之官

也乃謂三公三夫人無官職而不祿又
或謂言不備故職不祿也豈其然與

女祝四人奚八人

掌王后凡內祭禘之事者故名王氏謂王有大祝小祝后亦有女祝也○吳氏曰此官合巹禮

官禮之所當祀天地宗廟社稷山川及羣小祀而已舍此則淫也
祭皆天子主之於外后特供饗豆耳豈復於宮中自爲之哉且文
帝尚除秘祝先王時豈有此乎舒氏曰先王敬鬼神以明民雖詛
祝不廢况除殃報福若鄭氏所謂尸寵者可謂后宮無此祝耶吳
氏議之非也

女史八人奚十有六人

其職與王之大史掌禮畧同故名也二職

遂任之也○劉氏曰女史八人掌王后之禮職內治之貳以詔后
治內政則非有道藝而知禮者不可爲也鄭氏止以爲女奴曉書
者矣

典婦功中士二人下士四人府二人史四人工四人賈四人徒二

十人典猶司也掌司宮中婦功而爲婦功官之長故名役有工若
賈者以辨絲枲美惡貴賤也以下諸職次此者男服事於外

女服事於內。絲枲皆以給婦功。染人佐之。縫人成之。而內司服司之也。追屨二職皆司服之意。夏采乃染人之事。而其職則亦司服之意。與服先於縫。縫先於染者。重成事也。終於夏采者。慎終也。○雜說曰。典婦功以下諸官。多用士人者。先儒謂人主奢儉所係故也。

典絲下士二人。府二人。史二人。賈四人。徒十有二人。

掌絲故名。

典枲下士二人。府二人。史二人。徒二十人。

掌枲故名。

內司服奄一人。女御二人。奚八人。

掌后以下之服。故對春官司服。而以內名。御之言侍。謂以衣服。

侍御也。二職有女御與奚。故不用士而用奄也。○疏曰。此女。酒女。漿之類。乃女奴。曉進御衣服者也。以衣服進。或當於王。故廣其禮。得與八十一御妻同名。欲見王合御幸。使無淫色之過也。愚按。疏說乃本註而言。然義則舛也。世婦至女御。有德者克之。無則闕。此所謂君子不苟於色也。若以其侍御而為此附會。不幾逢君之惡者哉。此蓋八十一女御之亞。可為女御而未命者。與其體尊。非奄官所能統也。但宣理之而已。故內司服縫人二奄。皆有女御而縫人之奄。反為女御。役則女御。初非其屬。而其非女奴益明矣。

縫人奄二人女御八人女工八十人奚三十人

掌王宮縫練之事者故名也女工謂

女之巧者縫事須巧者爲之故女工較多於奚也

染人下士二人府二人史二人徒二十人

主染練者名者故名也

追師下士二人府一人史二人工二人徒四人

追音堆○治玉石日追詩追琢其章

是也掌治玉爲后首飾故名止二工者不務飾之意也

屨人下士二人府一人史一人工八人徒四人

主治屨者故名也首服男女異官重

首也屨則王及后皆屨人治之而已

夏采下士四人史一人徒四人

夏戶雅反○名夏采未詳註曰夏采夏翟羽之色也禹貢徐州貢夏

翟有虞氏以爲綬而注於旂干之首後世或染鳥羽象而用焉謂之夏采也王氏曰其職掌以冕服復於太祖以乘車建綬復於四郊而名夏采者采色所以事生之道也哀素者事死之道復以幸其生也按二說王氏義爲足不設府者無所藏故也次在職末者

疏謂喪事是終也

天官冢宰序職上

此以下序天官分職之事也以卷帙繁分爲上下餘官放此

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以擾萬民三曰禮典以和邦國以統百官以誥萬民四曰政典以平邦國以正百官以均萬民五曰刑典以詰邦國以刑百官以糾萬民六曰事典以富邦國以任百官以生萬民

此首序大宰卿一人之職也典常也六官之政乃治天下之常法也

建立也冢宰掌治典而六典無不統故皆掌建之也邦國兼王畿侯國而言官所居曰庶民之數有萬以經以治以紀者以治典總而經之蓋而治之理而紀之也教典地官司徒之典安寧教導擢馴也禮典春官宗伯之典和康統率諧調也政典夏官司馬之典平治正整均平也刑典秋官司寇之典詰察刑肅糾敎也事典冬官司空之典蓋足任使生養也此首舉大宰職之綱而全書六官

之綱舉不外此，學者所宜深玩也。○王氏曰：天官自官正而下，止言官名，獨於前三官言職者，大宰正也，小宰貳也，宰夫攷也，其職待尊，故言職以別之。五官皆然，東萊呂氏曰：周禮一書，綱目盡在六典，六卿率屬以別之。五官皆然，東萊呂氏曰：周禮一書，綱目盡在相天子，統百官司徒以下，無非所統，乃併數為六卿，何也？乾坤與六子並列於八卦，冢宰與諸卿並居於六卿一也。莊渠魏氏曰：先王以道治天下，定為萬世常經，是曰六典。大宰偏言則一職專言，則包六職，故六典皆大宰所掌也。後世專務法而六典亡矣。愚按各三句，邦國萬民相為首尾，而官府於其中，如經紀也，安擾也，和諧也，平均也，詰糾也，富生也，皆二字相連起義，而官府則曰以治以教，以統以正，以刑以任，其凜然之意，有獨溢於言外者。先王設官分職之意，嚴矣哉。以八法治官府：一曰

官屬以舉邦治，二曰官職以辨邦治，三曰官聯以會邦治，四曰官

常以聽邦治，五曰官成以經邦治，六曰官法以正邦治，七曰官刑

以糾邦治，八曰官計以弊邦治。此卽八法以明上文治官府之事也。官屬謂同官之僚屬，舉行也。官

職謂本官之屬，掌辨明也。官聯謂同官及別官之聯合會通也。不易之謂官常聽察也。無闕之謂官成經理也。不忒之謂官法正肅

也官刑卽五刑之官刑糾約也官註乃三年之大計繁斷也此與小宰六屬舉邦治以下相表裏但彼闕官常一條而官刑則見司冠職耳○王氏曰常謂故常也六官聯事皆乘時立事因機制宜而已官常則昔所嘗行者今列爲常書云以典常作之師是也

以八則治都鄙一曰祭祀以馭其神二曰法則以馭其官三曰廢

置以馭其吏四曰祿位以馭其士五曰賦貢以馭其用六曰禮俗

以馭其民七曰刑賞以馭其威八曰田役以馭其衆此又卽八則之治都鄙以

明上文經邦國之意也則猶法也法字意較闕大則字意較親切一云詳曰法畧曰則也都鄙詳者全經通采邑及凡公邑而言舊

單指采地者殆未盡矣馭猶馬之在馭使無僻差也祭祀者宮廟

禪壇之奉神謂內神若外神也法則者兵農錢穀之司官謂分臣

若家臣也有罪則廢有行則置吏謂香肆也養則以祿叙則以位

士謂俊造也馭用者量賦下與貢上爲出入馭民者通禮教與風

俗相轉移馭威者勸懲以威民馭衆者簡閱以任衆○陳氏曰先

王建都鄙以爲畿內公鄴大夫及王子弟之采地大夫者百里其次

七十里其下五十里其家不出王城而都鄙在三百里外此猶民

之屬里在國而受田在鄉也莊梁魏氏曰先王建都邑以封公鄴

大夫在王朝則臣道也以入法治之在封邑則君道也以入則治
之法者從上之令而下不自專也則者受節於上而下得自專也
葉氏曰古者敬於神而未嘗聽於人三時不宮而時和年豐則奉
粢奉牲以告有功無不報也然而旱乾水溢則變置社稷無功無
不考也是以春官都家宗人凡祭祀必致福於國國有人故令禱
祠必反命於國蓋其神皆王所馭也邈山楊氏曰自郭論秀士升
於司徒自司徒升於學爲造士大司樂論造士之秀者升之司徒
爲進士士蓋未有祿位也司馬論定官材論定然後官任官然後
位定然後祿故曰以祿位馭之大宰歲終令百官正其治受其
會聽其致事而詔王廢置三年大計吏治而誅賞則吏職與士異
故曰以廢置馭之禮山魏氏曰賦以其地所出獻於王也凡三等
采地所出之物及兵賦之屬盡謂之賦賦通人力所出貢止是地
所產而已竄山楊氏曰五方之民皆有性也其安居和味宜服利
用備器不可推移先王修禮以飾其性因之以達其志通之欲爲
之節文道之使成俗也以是賦之故無殊俗離而二之則非矣
按都鄙舊制指采邑此傳也然崇傳不若尊經夫全經所謂都鄙
者都謂都家鄙謂縣鄙也宰夫云掌治法以攷百官府羣都縣鄙
之治夏官司士云周知邦國都家縣鄙之數析言之爲都家縣鄙
約言之爲都鄙其通指采邑及公邑亦明矣且以王畿全地考之
自國而郊而甸而稍而縣而采詳分爲六者大宰及載師諸職也

自國而郊而野而都約分爲四者質人鄉士遂士縣士方士朝士諸職也自國而郊而都鄙又約分爲三者小司徒泉府諸職也凡此國卽鄉也郊卽遂也甸若野卽凡縣鄙之公邑也都卽稍縣之邑都也故各職文不同而義同也其不及國鄉與郊遂而以官府縣鄙都家約分爲四或爲三者宰夫太府職內職歲諸職也祇以都鄙與邦國爲對文者大司徒司士職方氏諸職也凡此都鄙皆謂都家縣鄙而國鄉與郊遂包於縣鄙中也歷考全經所言工畿之地域都鄙之非專指采邑更明矣且使都鄙止言采邑則經文所言縣鄙皆無屬而凡大宰載師之言甸質人朝士之言野縣士之言縣亦皆爲贅文是王畿中之地域民人百稅兵賦直半舉而半廢也其誤可勝言哉學者幸體之

以八柄詔王馭羣臣一曰爵以馭其貴二曰

祿以馭其富三曰予以馭其幸四曰置以馭其行五曰生以馭其

柄內史作枋音

福六曰奪以馭其貧七曰廢以馭其罪八曰誅以馭其過義同予上聲○此又卽八枋之馭羣臣以明治官府之事也詔告也柄猶權也必告諸王者自天子出之義也有爵則聖乃臨故曰馭貴有祿則庶可養故曰馭富予者加恩於爵祿之外故曰馭生置者保德於祿位之餘故曰馭行生以馭羣者八議之設是也得

生卽爲禍奪以取貧者三禩之施是也失祿卽必貧廢以取罪罪
輕則放於野誅以取過過重則戮其身○賈氏曰五以上皆是善
則大善在前小善在後六以下皆是惡則小惡在前大惡在後
川王氏曰誅卽殺也誅言其意殺言其事也知大宰誅爲教者以
內史知之大宰先賞後刑於賞先重而後輕於刑先輕而後重勸
賞畏威之意也內史則賞刑雜而不叙後先者主以法守而不與
道揆之意也禮山魏氏曰八則八柄凡言取者十有六其當通作
一義康成以殿而納於善訓取字不知祭祀如何殿神納善竊意
當訓爲品節而歸於範之意則取字可盡通矣又以漢制沒入家
財爲奪以取其貧尤善義理三代安得有沒臣家財之法哉誤解
經文或謂後世坊使其臣其禍實烈也愚按爵祿二條以外以予
奪廢置生殺相對首二條爲經下六條爲緯也誅卽殺也然內史
自言殺太宰詔王弟言誅者內史執法者也詔王則然示以刑不上大夫之意矣

以八統詔王取萬民一
曰親親二曰敬故三曰進賢四曰使能五曰保庸六曰尊貴七曰

達吏八曰禮賓

此又卽八統之詔王以明上文紀萬民之事也統猶率也謂王躬行於上不治民而民治如率之者

然也親親睦九族也敬故重故傳也進賢用有德者使能任有才
者保庸安有功者尊貴崇有爵者達吏謂達其列職於下者禮賓

謂禮其作實於國者。○臨川王氏曰：取以八統則民莫遺其親，莫慢其故，知德當務，知能當勉，且知功實不可吝，爵命不可廢，壘蔽必以通，交際必以禮。次梁氏曰：統猶綱也，馭羣臣者執其綱，故云柄馭萬民者舉其綱。故云統。雜說曰：八統亦皆詔王者賞罰誅廢，既非臣下得專，而親親以下，亦當自王躬行以化人也。易云：陰雖有美，舍之以從王事。禮云：雖有庇民之大德，不敢履君民之心。書云：無有作福作威其義一也。愚按：大宰職始以百官羣臣之屬而繼以萬民者，大臣之道正朝廷以正百官，正百官以正萬民，此其用相為始終，而親賢衆利相為表裏之義。以九職任萬民，一曰

三農，生九穀，二曰園圃毓草木，三曰虞衡作山澤之材，四曰薮牧

養蕃鳥獸，五曰百工，飭化八材，六曰商賈，阜通貨賄，七曰嬖婦化

治絲枲，八曰臣妾，聚斂疏材，九曰閒民，無常職，轉移執事。賈音古，斂去聲。

○此以下特明冢宰制國川之道而細辨其治官府紀萬民皆在其中也。三農謂原若隰若平地之農圃，國數牧皆指其民虞爲主，山澤之官此亦以日山澤之民也。居貨曰商，行貨曰賈，嬖有夫者，婦有姑者，臣妾爲人役者，閒民無事業者，生種也，九穀註謂黍稷。

稻粱麻苧麥大小豆也。餼者順而養之也。作猶致也。養而蕃盛也。飭致力政治也。化因形移易也。八材計謂木草材象金石珠玉也。阜通者阜而使通。化治者化而後治。聚斂猶言蓄積。疏財謂相疏。可食用之物轉移執事。備雇爲工作也。三農至謂民皆民。生九穀。至轉移執事皆職。此首言生之有道也。明道程子曰。古者四民各有常職而農居十之八九。故衣食易足而民無困。後世游民多矣。觀其窮促辛苦。變作巧詐。以求求生而常不足。以生非聖人變而通之。何以免患耶。東萊呂氏曰。民事不可緩而鳥獸草木亦豈可謂微而忽之哉。聖人爲天地萬物之主。有一物不得其所。則以爲職之不盡。舜典疇若予上下鳥獸草木。此聖人參天地贊化育也。節鄭氏曰。先王與民爲生。後世則民自爲生。今或無以生矣。周井田家私有畝。使相生相養。如是足矣。翁以爲未也。於是九職頒焉。雖臣妾闢民皆不敢遺。當是時。豈復有農一而食者六。工一而用者六。賈一而資者六之患乎。以九賦斂財賄。

一曰邦中之賦。二曰四郊之賦。三曰邦甸之賦。四曰家削之賦。五

曰邦縣之賦。六曰邦都之賦。七曰關市之賦。八曰山澤之賦。九曰

幣餘之賦。

前稱去聲。○賦之財賄通金幣而言也。上條九職固有閭師所徵之八貢矣。此云九賦者。蓋八貢爲經賦而九

賦乃雜賦與故不止貢物而廣言財賄也邦中至邦都六者之地自近而遠其賦並數於民關市山澤二者則六地中皆有之其賦不止斂於民而又有幣餘者前八條皆斂在下未入之財賄此乃斂在官已出之財賄也此次言取之以制也○疏曰一邦中謂國中之地其民所出泉賦也二四郊三邦甸謂一百里之郊地二百里之甸地其民所出泉賦也四家削五邦縣六邦都謂三百里內之削地有公之大夫之家邑四百里內之縣地有卿之小都五百里內之置地有公之大夫而其餘皆爲公邑明三等采邑出泉賦於公鄭大夫而三等公邑則出泉賦於王也蓋揭采邑表公邑也明齊王氏曰口率出泉前賈斥賣官物倍令出算此皆漢以後事註以口率出泉解九賦誤矣而以商賈倍算解其中謂市山澤幣餘之三者尤謬也集說王氏曰幣餘之賦乃職幣餘邦國都鄙與凡用邦財者之幣振掌事者之餘財是也餘財邦物而謂之賦者旣已給之又振之以歸於國故亦云賦也然按舊註之說諸儒議之者非一大都以後世頭會算斂之苛政非先王所宜有且貢而又賦則將什而征二也然口率出泉之屬其解固非而唐氏不考其本末乃謂九賦出於九職九職輸爲九賦而欲以九職之貢與九賦之財賄合而爲一也則亦率矣嗟大府賦旣言九賦以待九式而又言萬民九職之貢以克府庫其爲兩項甚明而討會賦言九賦令田野之財用九職令民職之財用內府司書諸職並言之者非

一則二者又豈有合而爲一之理耶。然則所謂九賦者何也。今以全經各征斂之官考之。九賦與九職同一而二。亦二而一者也。自其一而二者以言。則九職中農圃工商牧績虞衡八者自有闕師之八貢。其所貢皆本色。今見於闕師縣師。遂人。道人。委人。罪人。以迄角人。羽人。掌葛。掌染。草。掌炭。掌髹。之屬。固可考矣。而九賦則皆雜賦也。若自其二而一者以言。則八貢不及臣妾閒民而臣妾之疏材。猶畧見於委人。職其閒民。無職者在。闕師則有夫布。在。載師則有夫家之征。而又有田不耕者之屋粟。宅不毛者之夫征。此皆各隨其地以入於九賦中者也。而二師之外。又有旅師之錫粟。又有肆長之總市。墾人之五布。質人犯禁之舉。司市命夫命婦之料。泉府國服之息。司闈征屨。舉貨之屬。皆當入於九賦。至園圃。數牧。虞衡。其任於民者。同歸於闕師之貢。而其官爲守禁。如場人。園人。爲國之場圃。山虞。澤虞。川衡。林衡。井人。爲國之山澤。川林之屬。其當爲九賦而不爲九職也。又明矣。凡此合之職幣。九賦。九職。分合源流之瞭然者如此。而可不審而忽之乎。然則註所引鄉大夫登衆寡而皆征之者。非與。曰。此所謂力役之征。非口率出泉之謂也。考王畿中其地遠而不盡供力役者。則財賦稍重。載師國郊甸稍率出泉。曾聖人而爲之。哉。尉官往復交貢。要須得其意以通之。以則不至失聖人之大經大法。而疑誤於天下後世矣。學者詳之。

九式均節財用一曰祭祀之式二曰賓客之式三曰喪荒之式四曰盥服之式五曰工事之式六曰幣帛之式七曰芻秣之式八曰

匪頒之式九曰好用之式

匪音分好去聲○祭祀謂天神地祇人鬼之屬賓客謂朝聘之君臣此二式皆

謂其酒醴牲牛若其幣帛芻秣之屬別有式矣喪謂王以下之喪葬荒謂國之荒札盥服謂王以下略蓋衣服之屬工事通謂君若國宮室器用之屬也幣帛謂皮幣玉帛之屬祭與賓及凡當用者芻秣謂芻牧飼秣之屬賓若軍役及凡當用者匪猶分也謂凡以事制頒分之者好猶恩也謂凡以德意賜予之者凡此皆待以九賦之財賄詳見大府祭禮之式如大祭酒三肅用太半中祭再貳用少半小祭一肅用特牲之類賓客之式如上公饗餼九牢三饗食燕侯伯七牢再饗食燕子男五牢一饗食燕之類餘放此此乃言用之有禮也○周禮菁華曰財用供於有司而式法行於大宰是以人主不敢違式而過取百官有司亦不敢違式而過供論道經邦立本於此式法不行而上下始交征利矣龜山楊氏曰先王所謂理財者非盡籠天下之利而有之其取之有道用之有節而各當於義之謂也周官以九賦任民以九賦斂財九賦各有所待而大宰又以九式節之雖人主不得踰也歲終制國用則量入爲

出制度有不如式大宰符均節之所謂王及后世子不合者實無
得於會也世僑以爲至尊不可以法數制之非正論矣貴與馮氏
曰古稱國計之富者莫如漢然攷之史傳無他術也周時酒有權
鹽池鹽非有禁入市有稅至開皇三年並罷之後世以爲關於邦
附之大者而附一無取則所附賦稅而已其年又行蘇威之言綱
綱一定者減爲二丈役丁十二番者減爲三十以其九年以江表
初平給復十年自餘諸州並免其年租賦十年又以宇內無事益
寬復年十五者輸庸停放十二年又詔河北河東田租三分減一
兵減半功調全免則其賦稅復潤器如此而其稱殷富何也史以
爲帝躬履儉約六宮服澹濯之衣乘輿供御儉者隨令補用非庶
實不計一內有司嘗以布袋貯乾糞履袋進香皆以爲費用加饒
然後知易所謂節以制度不傷財不害民孟子所謂賢君必恭儉
謹下取於民有制有信國之良規也漢隋二文帝皆以儉而國漢
文加黃老附文任法律而猶暗合聖賢如此後之漢孔孟者乃謂
善則賦稅以天下自奉可也而其意違創爲豐亨豫大帝王不合
之說飾人爲文好言以誤人國家豈不謬哉雜說曰大宰九式不
見勅親會同軍旅田役之式小宰則云宰祭祀朝覲會同賓客之
式其軍旅田役喪荒亦加之蓋嘗攷之朝覲會同所用不過半禮
委積之蓋此自有賓客之式而軍旅田役所用則亦不過工事帶
帝勿秣匪頒之諸式而已大宰有工事之式則如司弓矢司甲帶

人棄人方人矢人盛人車人所當給者皆有法也有幣帛之式別
如外府所謂供其財用之幣齋亦有法也有芻秣之式則委人軍
旅供其委積薪芻凡廩材亦有法也有匪頒之式則如司餼實以
等功之屬亦有法也軍旅最急者惟糧周官豈反調粟蓋成周以
井田制軍賦凡邦有軍旅田役之事如廩人治其糧與其食倉人
供道路之穀積飲食之具選人掌道路之委積之屬凡皆小宰令
各官府供之是以太宰九式不及也莊梁魏氏曰均節者以二十
年之通制國用總計歲入若干歲出若干四分爲率用其三而
存一三十年則有十年之積不卒有故國不待加賦民得錫濟所
以養王仁心助成恭儉之德而禁奢侈於未萌也平仲王氏曰成
周之世有司筮巡野觀稼以年之上下出斂法矣小司徒遂人等
官又令以歲時登其大夫家之衆寡及六畜車犖辨其老幼廢疾以
令百賦司書則又三歲大計羣吏以知民之財凡稅斂掌事者受
法焉凡大時不登吏治不職與凡民所自病一皆卹之如此而賦
用不足乃誰減王躬以爲均節其損上以益下者一何至也後世
國費浩繁每歲司農先量所出貢賦郡國謂之會計不給又額外
科之謂之加派至橫征巧取又出加派之外其爲一切苟且之計
不忍言矣以欲從人者王以人從欲者亡乘國成者反覆於均節
之說而不一爲他民計者獨何心也以九貢致邦國之用一曰賦貢二曰饋貢三曰

器貢四曰幣貢五曰材貢六曰貨貢七曰服貢八曰旂貢九曰物

貢辨故書作賓註作贍大行人放此旂旄同○上賦乎下爲賦下

供乎上爲貢疏曰凡侯國之賦大國貢其半於王次國貢三之

一小國四之一所貢者各市其物以獻若四貢屬諸之類也祀

貢若若膳之屬類貢若絲象之屬器貢凡器用之屬幣貢皮帛之

屬材貢若卉木竹箭之屬貨貢若金貝之屬服貢若絲紵織繡之

屬旂貢若珠璣琅玕羽毛之屬物貢若諸慎之格矢審須之數則

羣之甲之屬此亦言取之以制也係詳秋官大行人○王氏曰儀

內以上取下而名賦表公上均節之制邦國以下奉上而名貢著

臣子忠順之節毫山楊氏曰致者使其自至若天王求余求車則

非自至也雜說曰言致邦國之用者非用物不貢所謂不貢異物

賤用物也王氏昭禹曰先王生財有道取財有義用財有禮九獻

所以生財也九賦所以取財也九式所以用財也夫有道以生之

有義以取之有禮以用之然後有以服天下而諸侯莫不來享矣

此九貢所以次九賦九式之後也潛溪鄧氏曰九獻之先賦也明

賦所自出九式之先貢也明貢所自入國無後用

無靡費而賦貢盡於式也宰制國用其必由此

以九兩紫邦國

之民一曰牧以地得民二曰長以貴得民三曰師以賢得民四曰

儒以道得民五曰宗以族得民六曰主以利得民七曰吏以治得

民八曰友以任得民九曰數以富得民長上聲○此又卽九兩之

之意也兩猶耦也繁猶綴也主謂公卿大夫主其家教謂宗族

大澤大數也地者邦國之牧之綱屬貴者官師之長之名位賢者

師之德行可尊道者儒之道藝可法族則大宗之子以合族屬利

則貴家之主以散利養治則鄉遂縣鄙之吏政令相攝任則守望

出入之友保任相維高則廣濬鉅野之數財物相守大宰之職終

以此者協耦萬民而繁屬不散尤掌邦之要道自八法至九頁各

修之意舉不外此也○王氏曰先王建諸侯五國以爲屬屬有長

十國以爲連連有帥三十國以爲卒卒有正二百一十國以爲州

州有牧九州之牧之屬祿以其地故云以地得民獨言牧者舉尊

以見卑也長則地非其有故云以貴得民雜說曰先王綴民以族

所以一天下後世徒蔽於其害而莫見其利如商之七族貴封康

叔懷姓九宗實封唐叔強宗大族禮義足以齊家好尚足以帥俗

不幸魯桓齊田并國送君後世遂以爲不可容馴至五季元魏分

析蔭戶而先王以族得民之意不可復矣精渠張子曰管攝天下

之心收宗族厚風俗使人不忘本須是明世族與宗法宗法立則

人皆知純繫來處而忠義立國本豈得不固東萊呂氏曰詩云君

之宗之言公劉整肅其民上則背統於君下則各統於宗其事相
須如此春秋晉執蠻子以界楚楚司馬致邑立宗焉以誘其遺民
是當典刑垂盡猶必立宗也王氏曰相任之謂友學校之友相任
以道鄉田之友相任以事也臨川王氏曰自牧至數皆有所兩則
民心繫屬而不散後世九兩既廢故宣王料民於太原而仲山甫
非之當是時上欲知民數不可得尙能得其情而制之乎民既散
矣則放僻邪侈無不爲也○疏曰大宰職文分爲二段自首至以
富得民十條爲一段明經國之大綱與其治政之條目也自正月
之吉以下又爲一段明頒宣前法因事而施耳愚按前段掌事六
典一條兼總全部以下九條乃卽治典歷言其職也其後段正月
之吉及歲終之屬卽本職之類職考職以明其始終祭祀朝會之
屬卽諸職之專職聯職以明其分合蓋前後兩段中又各分兩小
段其條理有如此也正月之吉始和布治於邦國都鄙此總言治法
者五官皆放是也正月之吉始和布治於邦國都鄙之布於始
以起下文兩節之意所謂頒職也正月周正建子之月吉朔日也
凡治有故言始和者若改造然布猶秋官布憲之布治卽治象之
云凡典則法之屬下文乃令萬民觀象乃施法官府此祇言和布
於邦國都鄙者舉遠方以該近也○王氏曰和者可否相濟之謂
先王以道制法以法治事歲終則令百官府各正其治受其會考
其致事以講制所當改易卽堯典所謂平在朔易也講改於歲終

和布於正月之吉與時偕行之意也明齊王氏曰廟禮爲一代大典後賢後王率由舊章而已而六官於正月之始多稱和布何也事變無窮治道與之推移大臣佐王御天必協和而後可守也成王名爲守成而一代典章皆其所立後世不知此意時移勢改不敢少有損益恐亂成法也其小人陰壞默損則更不能問必至極弊然後英主起而整飭之此不善守成者也周公之旨深哉乃縣治象之法於象魏使萬民觀治象挾日而斂之

縣縣同挾子協反又作決各廣

放此○此承上文之意而首言布治於萬民也乃懸者網事之詞和布畢乃懸之也說見小宰萬民指國中四郊之民稱萬民約詞也象魏闕名一名兩觀其兩旁巍然觀示而中闕故名也挾日謂一旬斂收也必懸十日乃收者以深示國郊之民也○官制曰漢武時律令凡三百五十九章文書盈几與者不能徧視在國承用多駁嗟乎是又何以責其下乎愚夫細民聖之如天莫測其意向所在及陷乎罪然後從而刑之是罔民也夫法者使民易避而難犯也成周布之邦國都鄙垂之象魏徇以木鐸斂以挾日上意達乎下下意協乎上示之以好惡而民知乃施典於邦國而建其牧禁一道德以同風俗其源流蓋如此立其監設其參傳其伍陳其及置其輔乃施則於都鄙而建其長

立其兩設其伍陳其殷置其輔乃施法於官府而建其正立其貳

設其攷陳其殷置其輔

監平履參三副傳音附○此承上文言布治於邦國都鄙與百官也牧註謂九州之

長大宗伯八命作牧也監謂五等諸侯各監一國也一謂牧諸侯

之通稱舉尊以見卑也監謂王命監侯國者王制使其大夫爲三

監也參謂國之三卿伍謂其下大夫五入處之言衆謂上中下士

輔謂府史胥徒也長通謂都家縣鄙之長兩謂其左右伍謂其臣

屬正亦長也謂大宰大司徒之類庶猶副也謂小宰小司徒之類

攷猶敷也謂宰夫鄉師之類建立以下皆明設官之意施典施則

施法則明分職之意也○疏曰左傳杜濬謂季孫云吾子爲司徒

夫子爲司馬孟氏爲司空則諸侯三卿司徒司馬司空也五大夫

者司徒司空之下各二大夫司馬事省一大夫也都鄙之長不足

於三卿者諸侯南面爲尊故得仲都鄙之長在天子之下故屈也

愚按三卿爲司徒司馬司空今見於書牧誓立政二篇皆如此若

蒙宰宗伯司寇之三官疏不言據吳氏則其下五大夫爲三官之

小卿據崔氏則謂三卿兼之今攷二說相須始備也蓋三卿所兼

宗伯小司

寇之職與凡治以典待邦國之治以則待都鄙之治以法待官府

之治以官成待萬民之治以禮待賓客之治

此又歷言典法則之類之待治亦即頒賚

之意也典則法節六與八則八法成節小宰八成禮謂賓客之禮待者待其成而致之也不言八柄八統及九職以下者八柄八統

天子主之冢宰制國用亦特制之而已故與詞也○雜說曰大臣之事唯講典法所由出然後散其餘目付之有司故凡治以典則法之屬待之大臣清心淪道格君心而已平仲王氏曰天子治吏不治民萬民雖衆有八成以治官而萬民治矣

則掌百官之誓戒與其具修前期十日帥執事而卜曰遂戒及執

事抵滌濯及納亨贊王牲事及祀之日贊玉幣爵之事祀大神示

亦如之享先王亦如之贊玉凡玉爵

帥率同職職同享烹同元祇同各職並放此○此以下歷

明其祀喪朝會之屬所謂聯職也以小宰六職推之不及軍旅世役凶荒蓋作大事統之與五帝謂五行之帝而去吳少昊炎帝黃帝顓臾配之也誓戒謂致齋散齋之屬其謂助類豆籩之屬修謂陳設濯濯之屬卜日說日而下之也執事謂宗廟及太卜之屬必祭前十日卜戒者以敬齋當七日致齋當三日也及執事謂初爲祭事也自祭之前夕三納亨謂納牲告殺以授官人也自祀之晨

言曰猶時也。自正祀之時言。蓋祀之前夕。親視洗祭器。而其晨王祖而迎牲射割。則以勞其毛。以贊之。至祀時。王以玉幣禮神。以爵獻神。則更執以授王也。祀大神。謂郊於闕丘。社於方澤。享先王。謂祫禘於大廟。別言玉几。玉爵者。玉几以依神。玉爵以獻神。獨享先王用之也。玉幣禮神。見大宗伯。○家語季康子問五帝孔子曰。丘也聞諸老聃。天有五五行。水火金木土。分時化育。以成萬物。其神謂之五帝。古之王者。易代改號。取法五行。更王相生。亦象其義。故生爲明王。死配五行。是以太皞配木。炎帝配火。黃帝配土。少皞配金。顓頊配水也。康子曰。古者何苦爲木正。祝融爲火正。蓐收爲金正。玄冥爲水正。后土爲土正。此五行之主。而不稱帝者何也。孔子曰。凡五正者。五行之官名。五行佐成上帝。而稱五帝。太皞之屬。配馬。亦云帝。從其號。少皞氏之子重。爲勾芒。該爲蓐收。修及熙。爲玄冥。顓頊之子黎。爲祝融。其工氏之子句龍。爲后土。此五者各以所業爲官。職生爲上公。死爲貴神。別稱五祀。不得同帝也。楊氏曰。有天地則有五五行。四時有五五行。四時則有五帝。帝者氣之主也。易所謂帝出乎震之類是也。貴與馬氏曰。五帝爲五行之主。而在天猶五嶽爲五方之鎮。而在地也。五帝不出乎天之外。而謂五帝卽昊天。則不可。五嶽不出乎地之外。而謂五嶽卽后土。亦不可。陳氏曰。戒者飭其事。誓者告以言。大司寇戒之。且泄誓。百官士師五戒。而誓居一。則戒之中有誓。而誓則明其戒而已。誓以大宰重其事也。

協以太史正其禮也。大朝親會同贊玉幣玉獻玉几玉爵。朝音潮

下並同
○朝親會同詳大宗伯玉幣謂諸侯之六瑞六幣凡圭璧琮璋皮

帛之類玉獻註謂諸侯獻國珍異亦執玉以致之也六瑞爲贊六

幣爲享諸特獻爲庭贊其玉皆大宰贊王受之若其馬皮以下及

凡庭實之屬則小宰贊之而已玉几王朝侯時優尊之几玉爵王

裸賓時酢王之爵其爵亦大宰贊王受之其几則司几筵設之而

大宰流之與○王氏曰朝親或言大或不言者各指其時而稱之

五服皆朝之歲朝者衆故謂之大也疏曰大行人上公再裸而酢

侯伯一裸而酢子男一裸不酢裸乃大宗伯辨裸非冢宰所贊但

侯酢王用玉爵大喪贊贈玉含玉合去聲○大喪謂王及后世子

則冢宰贊受耳將斂以實口註謂作大事則戒於百官贊王命作起也大事通謂

助嗣王爲之也凡大事明事不止喪而喪亦不止大喪矣戒於百官蓋謂其正長也以小宰大

王取喪小喪掌小官之戒令推之可見贊王命謂贊爲教命也治朝則贊聽治凡邦之小治則冢宰聽之

待四方之賓客之小治治朝在路門外四方之聽朝謂凡筵幸聽

事之所贊聽治者助王聽斷其治也凡不

關於王之聽治者謂之小治此又申朝覲賓客之意也○王氏曰
四方之聽朝無常所如王巡四方諸侯各朝於方岳之下所謂聽
朝也○既朝於內聽朝於外皆贊其事則治外無異於治內矣臨川
王氏曰上文以禮待賓客之治此又云待四方之賓之小治者賓
客之大治詔於王八統所謂禮賓是也若其小治則冢宰專之而
已莊渠魏氏曰王恭已南面與宰臣平章大治一人之體也大治
助王不及小治不以煩王百揆之體也上奉王命次請於冢宰衆
務各以職治庶僚之體也故曰主好要百事詳主好詳百事荒鄧
氏曰率皆大治其稱小歲終則令百官府各正其治受其會聽其
治對王之聽治言之耳

致事而詔王廢崑三歲則大計羣吏之治而誅賞之

會音怪凡各
歲會計之會

並放此○歲終謂周正建亥之月也百官府通六官而言會計會
計總謂審聽今正其所治之事爲會計文書既致則爲受而聽之
也廢崑猶去爵之意八柄中之二也羣吏卽百官府之羣吏誅賞
兼予奪生殺而言誅不言生賞不言爵蓋互文誅罪賞功明不徒
廢若罰矣不言詔王省文也此總言治法之屬之受會聽事所謂
致職也○雜說曰冢宰總百官其職固受百官府之會聽其致事
而詔王廢置矣而司徒則又攷其屬正其要會而致事司徒又命
屬入會而致事下至宮正則會其行事內宰則猶其功事雖聽夫

醫師至樞臬之屬亦然且又專設司會一職逆吏治而容之以詔
王及冢宰廢置蓋成周時各攷於衆職之長而後攷於本官之長
然後盡攷於司會而達於冢宰也又曰三年大比三年大閱三年
大計皆以三年爲率此非是一時行之蓋只是每年更互一件而
已王氏曰書云三載考績黜陟明則禮則歲終廢置三歲誅賞
何也蓋先王之治因時而已堯舜之時其法畧其事簡周之註其
法詳其事繁也莊渠魏氏曰別禮大宰歲終受會聽事而詔王廉
置三歲刑大計而誅賞言大宰職其要也漢郡守辟除令長得自
課第刺史得課郡國守相而丞相御史雜攷郡國之計畫天子受
丞相之要而已元帝時京房奏考功課吏法公卿議爲煩碎魏劉
邵作都官定法七十二條杜恕以爲用不盡其人雖文宗無益也
唐法考功以四善二十七最叙爲九等國朝考課皆綜於考功而
官始不勝攷矣誠詔天下之官各課其所屬而數於朝內而六卿
亦各課所屬而數之用力少而成功多也○陳氏集說曰冢宰
兼六卿之事天下無所不統如出納之要職宿衛之親人供奉之
近習玉府財用之司存宮中使令之變密凡布於王宮內外而迺
近於左右者舉爲之冢宰夫是云羣士大夫之職業有所統人上
之心術有所制紀綱不散名分不易體統之正孰大於此後世奪
大臣之權而授之羣臣散天下之屬而歸之百官又或倡爲大臣
不屑細務之說使虛虛名於百官之上自漢以來變故備矣欲復

古治當自刑官冢宰始則
體統正而事可以次舉矣

小宰之職掌建邦之宮刑以治王宮之政令凡宮之糾禁此序小

夫二人之職也宮刑總言之也王宮謂王之宮殿凡宮謂后以下
及世子宮寢之類經者禁正也言政令者重大之意言糾禁者嚴
審之義此首言內宰之專職也○王氏曰小宰掌建邦之宮刑此
治內以及外之意大司徒五刑無宮刑則宮刑爲小宰所建也文
王之行汝墳江漢反而求之木於后妃記曰古之明明德於天下
者先治其國治其國者先齊其家此之謂也葉氏曰王宮豈施刑
之地小宰掌刑之職蓋風俗自王宮始侍御僕從一有不正出
之起居一有不敬皆是宮治伊訓三風十愆之戒自若卿及冢士
與若喪亡之在朝氣節下不正照墨刑象復云嗣王祗厥身念哉
益官刑雖微有位而實以格君心也則宮刑之修廢亦即若心敬
息所刑而若德隆替所由基與愚按小宰掌典法則與貢賦式之
賦皆對大宰而言獨掌建宮刑若於大宰無所對此非無對也乃
對八柄詔王御羣臣言之也王者之治宮中府中皆爲一體大宰
於宮闈無不統而職專官府小宰於官府無不贊而職主宮闈蓋
王理陽教立六官后理陰教立六官外官不過九品內官不過九
卿大宰掌外而於內宮俱聽之故小宰掌內而於外朝但佐之也

掌王之六典八法八則之貳以逆邦國都鄙官府之治執邦之九

貢九賦九式之貳以均財節邦用

此以下皆言佐大宰之事也貳副書也逆迎也謂迎受勾及也

典法則大宰掌建之貢賦式大宰制之小事則掌其副以逆治而均節財用也

以官府之六叙正羣吏一

曰以叙正其位二曰以叙進其治三曰以叙作其事四曰以叙制

其食五曰以叙受其會六曰以叙聽其情

叙倫次也此下各條皆佐大宰之八法而符以

六叙先之者必官府之倫叙正而後邦治可修也羣吏自卿以下至士也位謂爵秩治謂功狀事謂職事食謂祿食會謂會計情謂訟情六者皆以尊卑爲先後所謂叙也按大宰各正其治受其會即會其治也今分言之者進治言平時受會言歲終也此以下專舉其佐治官府之法蓋小宰雖主以官府之六屬舉邦治一曰天官屬其於官府不啻嚴以重矣

官其屬六十掌邦治大事則從其長小事則專達二曰地官其屬

六十掌邦教大事則從其長小事則專達三曰春官其屬六十掌

邦禮大事則從其長小事則專達四曰夏官其屬六十掌邦政大

事則從其長小事則專達五曰秋官其屬六十掌邦刑大事則從

其長小事則專達六曰冬官其屬六十掌邦事大事則從其長小

事則專達長上聲○長通六官之長及各署之長而言屬謂其僚屬六上舉成數也達猶行也大者從其長以行小者則

屬官得專之也此明八法中官屬以舉邦治之一也○竹野葉氏曰周官三百六十屬通攷其成數幾三千人然官屬有不必專置

者地官如角人羽人掌炭掌荼等職但征一物秩官如庶氏其氏

著族氏赤友氏等官但攷一事不可兼乎有不須常置者田則有

甸祝謂則有詛祝祀戎則有伊耆衛牧喪紀則有職喪喪祝夏米

不可兼乎蓋周人因事而置官周禮因官而存名不兼職攝職則

官冗不存名則官廢知此二者可與言官制矣明齊王氏曰大事

不從其長則政出多門而大臣無權小事不專達則大臣親細務

以事自儉下僚不得盡其才二者皆非也

以均萬民以節財用二曰教職以安邦國以寧萬民以懷賓客三

曰禮職以和邦國以諧萬民以事鬼神四曰政職以服邦國以正萬民以聚百物五曰刑職以詰邦國以糾萬民以除盜賊六曰事

職以富邦國以養萬民以生百物

六職即六典之職節財用者制國用也懷賓客者柔遠人也事

鬼神者明禮樂而幽鬼神也聚百物者服政令而修貢獻也除盜賊者無滯刑無縱法而奸宄息也生百物者無曠土無游民而積物溢也六典言其經法六職言其事任太宰六典以邦國官府萬民三者並稱此不並稱官府而及節財用懷賓客之類者官府之六職已冠於首矣故特推其事驗也此明八法中官職以辨邦治之一也○王氏曰徒善不足為政故制治必有法徒法不能自行故行法存乎人先王建六官授以六典以官府之六職合邦治一而因以六職辨其治此相因為用也

曰祭祀之聯事二曰賓客之聯事三曰喪荒之聯事四曰軍旅之

聯事五曰田役之聯事六曰斂弛之聯事凡小事皆有聯

施杜蒧為施鄭

讀如字○合猶會也如祀宗則大宰贊王卿士司徒奉牛牲宗伯尚牲饗司馬羞魚牲泰詔馬牲司寇奉犬牲之類是也餘放此祭

視以下與大宰九式本職七事小其等見各條用以簡衆役以任衆教請儉聚施謂施放小事謂六職以外此明八法中官聯以會邦治之一也○鶴山魏氏曰周官聯事最密朱子謂一部周禮盡水不漏此也雜說曰官制之法職不分則無統事不聯則不精如人耳目手足雖各司而氣脈相通庶幾時自揆四獄州牧侯伯截然有紀然義和掌四時之政得與內朝參議草陶刑官得陳謨啓沃伯益農官得贊禹師旅以官府之八成經邦治一曰聽政役以典謨事雖不詳意亦可見

比居二曰聽師田以簡稽三曰聽閭里以版圖四曰聽稱責以傅

別五曰聽祿位以禮命六曰聽取予以書契七曰聽賣買以質劑

八曰聽出入以要會比音避責債同傅音附別音覽予上聲劑音茲○大宰官成以經邦治官常以聽邦治今

經與聽互言之者始定爲官成久垂則爲官常也政役自力政而言比居謂比鄰之籍也師田自軍政而言簡稽謂閭計之簿也閭里指地政而言版圖謂戶地之册也稱者稱貸責者責債傅別謂合券分執也祿者祿位者爵命謂禮儀策命也取者乞取予者給予書契謂文書符契也賣買謂市中相交易者大市有知見曰質小市爲約信曰劑出入謂官內自取用者歲計曰會月計

曰要此明八法中官成以經邦治之一而所謂官常以經邦治具其中矣王氏謂法一定而不可虧故謂之成司寇凡萬民之獄訟以邦成弊之是也○葉氏曰民聚而必有事事起而必有爭聖人防於未然是故書以載法法以待事事來而應以法訟起而正以書猶決事之不可無比斷事之不可無律也易云上古結繩而治後世聖人易之以書契百官以治萬民以察蓋取諸夬其官成之謂與劉氏曰八者所以養民之信也自古皆有死民無信不立禮樂刑政待信爲本否則雖禮樂刑政何所措哉王氏詳說曰八成皆文書也比居節稽版圖禮命要會文書之用於公者也傅別書契質劑文書之別於民者也有子息爲稱責無則爲取子有手書爲傅別無則爲質劑結繩作而有書契以書契爲未足而有質劑以質劑爲未足而有傅別取子輕於賣買賣買輕於稱責此三者所用之輕重也愚按八者公私皆用如泉府職取子稱責公亦有三但五者公爲多三者民爲多王氏舉其繁而言耳以聽

官府之六計弊羣吏之治一曰廉善二曰廉能三曰廉敬四曰廉

正五曰廉法六曰廉辨

亦平治之意也弊斷也謂以平治官府爲本也德足宜民曰善才足辦事曰能不懈於位曰敬不諉於行三正守法不阿曰法臨事不惑曰辨此明八法中官計以弊邦治

之一也。○郭氏曰：善德之本，能德之用，敬正善之則法辨，能以法之施也。乃其介在廉善，敬正非廉不能，能法辨非廉無取也。

掌祭祀朝覲會同賓客之戒具，軍旅田役喪荒亦如之。七事者，令

百官府共其財用，治其施舍，聽其治訟。

其供同各職，故此○戒具猶大宰誓戒其修也。七事

註謂先四事如之者三事也。疏謂七者卽上六聯中不言朝覲會同於賓客中兼之也。王先生謂此不見六聯中之斂弛者，令供財用治施舍則斂弛之意在其中也。事狀曰：治爭理曰訟，此又明八法中官法以正邦治之一也。○王氏曰：大宰於戒具不言法亦不言令百官府以下道揆之任也。此言其以法掌祭祀之類而令之則不與道揆故也。祭祀吉禮，朝覲會同賓禮，軍旅田役軍禮，喪荒凶禮，祭祀有服，膳賓客有享，燕卽嘉禮，則五禮具於此。七事矣。鳩山魏氏曰：荆公嘗以道揆自居而不曉道與法不可離，故其辦法皆前君之法而非帝王之道。永嘉陳氏作唐制度紀綱論云：得古人爲天下法，不若得於法之外，彼以道德爲法外，皆因荆公制道法爲二。後學遂爲此說。如周禮三百六十官，道正寓於法中。也。林氏曰：三代之政未嘗有轉輸春秋列國會同征伐無歲無之。然其兵食費用取給於所過，亦以郊里道路皆有委積故也。周禮小宰會同軍旅，令百官府供其財用，春秋齊師還自名陵，申侯請

道出陳鄭之間供其資糧屏履是也至秦欲攻何奴始使民飛輓
 芻粟轉輸河北率三十鍾而致一斛轉運之盛蓋與於此與愚按
 荆公難道與法為二而以別大小宰魏氏讓之是也抑又溯而求
 之形而上謂之道形而下謂之器不相離亦不相離孟子亦云上
 無道揆下無法守蓋自道法而言則二者二而一自人之體道守
 法而言則有道揆者未有不貫乎法而徒有法守者或未明乎道
 是二者一而二亦所謂可使由而不可使知也學者以是推其源
 流分合則荆公之論固非而魏氏亦豈盡然哉大宰註賓客為朝
 覲會同本職亦云賓客之聯事而已不及朝覲會同也今以賓客
 與朝覲會同並稱未詳或曰朝覲會同賓客謂朝覲會同之賓客
 耳七事祭祀一賓客二軍旅三師田四行役五喪紀
 六凶荒七非若註之說也其說較密學者更詳之 凡祭祀 句 贊

玉幣之事祿將之事 句 凡賓客 句 贊祿凡受爵之事凡受幣之

事 此以下言其祀賓喪荒之聯職也不及餘事者小宰不與也後
 王及大朝覲會同之屬而言也 祀賓辨凡通大宰祀五帝至享先
 酌饗也 以祿獻也將送也 王以項酌禮小宗伯以將送而小宰贊
 送也 賓客亦祿者如承祭也 贊祿者王祀諸侯以饋祿賓則小宰

贊王禪而大宰受賓辭爵進於王王既畢授於大宰則小宰又贊大宰也贊凡受爵之事凡受幣之事者玉爵玉幣玉獻小宰贊大宰以贊王若凡爵幣之屬小宰自以贊王也○疏曰宗廟有裸而天地不裸者覆藏之德本無可稱故無祿直加敬而已宗廟則王若后的鬱鬯獻尸尸皆受灌地降神乃向口啐之也祭天地既無祿而宗伯蒞玉鬯表記親耕桑盛和豐以事上帝者蓋春官鬯人社稷山川等外神皆用鬯但不用鬱也王氏曰天則升禋地則薦血人之魂氣歸於天鬱輿歸於地故焯蕭以求諸陽裸鬯以求諸陰也程子曰天地用玉幣而不裸則玉幣尊於裸鬯故玉幣大宰贊之裸鬯則大宗伯蒞之裸將又卑於裸鬯故小宰贊之若此類者所謂序事也先王量德受任因任受職此序事所以辨賢也王先生曰宗廟之裸王與后爲之賓客之裸宗伯代爲之王不酌賓客而有受辭示君喪荒受其含禭幣玉之事合去聲禭音遂○以無酌臣之義也喪荒受其含禭幣玉之事貝玉實口曰含以衣裳贈斂曰禭喪有諸侯贈送之含禭荒有諸侯賜委之幣玉皆小宰受獻於王也若渠彘氏曰商荒幣玉助以禮神詩云圭璧既卒寔真我聽是也月終則以官府之叙受羣吏之要贊冢宰受歲會歲終則令羣吏致事此以下言其功職須職也叙卽官府之六叙羣吏通謂六官之羣吏若司徒專稱令教官司寇專稱令羣

士明與冢宰總六官異也。月計曰要。小宰自以其叙受之歲。正歲計曰會。則大宰受之而小宰贊之。令致事亦以贊受歲會也。正歲

帥治官之屬而觀治象之法。徇以木鐸曰不用命者。國有常刑。乃

退以宮刑憲禁於王宮。令於百官府曰各修乃職。攷乃法。待乃事。

以聽王命。其有不共。則國有大刑。

帥率同各職並放此。○正歲亦謂周正建子之月也。自其朔而

言謂之正月之吉。自其月而言謂之正歲。以正月之吉懸之。而十日之內觀之。故不稱正月之吉而稱正歲也。且全經凡稱正歲觀象考法皆與歲終會治致事之文相連。終始循環義較明矣。舊誤引凌人臘以証正歲為寅月。辨見凌人體聖經者。幸詐之而行示之也。木鐸金口木舌。振以警衆者。冠謂表懸之也。百官府亦通謂六官之官府也。上文帥治官乃其一官而已。又以冢宰統六官。故小宰於正歲通令之。而後六官之歲會冢宰於歲終受之也。乃猶汝也。常刑言其不易。大刑言其不輕。互文也。改行示或表懸或宣令者。各因其宜也。○疏曰。帥治官以下。小宰因大宰懸象使觀而知當年治政之法。以宮刑以下。蓋以秋官士師之官禁表而懸之。宮內也。令於百官府以下。蓋亦稟於大宰而令百官也。此於懸末總結之也。

宰夫之職掌治朝之法以正王及三公六卿大夫羣吏之位掌其

禁令此序宰夫下大夫四人之職也治朝見大宰凡羣吏皆臣屬

士之類也禁令凡威儀之則此首言正朝儀也○平仲王氏曰夏

官大僕掌正王之服位王服朝則正位而退入亦如之此專正王

之位也而宰夫則掌以法正王及三公六卿大夫羣吏之位夫專

掌王之位者不必及公卿大夫羣吏而掌公卿大夫羣吏之位者

必先及王而後知王之服位法儀於公卿大夫羣吏位加嚴焉豈

若後世君益驕臣益諂者之謂哉愚按夏官王之位大僕既正之

而王及公卿大夫士之位司士又正之今宰夫復云爾者大僕司

士特正之而已不掌其禁令此則掌以禁令而察舉之也禁察亦

必自王始此修己以敬爲恭而天下平之本王氏所爲發其蘊與

叙羣吏之治以待賓客之令諸

臣之復萬民之逆叙治謂叙次其職也待猶大宰以待那因以待

民陳言於上曰逆都鄙之待賓傳語於王曰今臣反命於君曰復

臣萬民之吏如秋官之行人掌客乃待賓客之令者夏官之大僕

小臣乃待諸臣之復者其僕御乃待庶民

之逆者而宰夫皆叙之使各辨其事也

掌百官府之徵令辨其

之逆者而宰夫皆叙之使各辨其事也

掌百官府之徵令辨其

之逆者而宰夫皆叙之使各辨其事也

之逆者而宰夫皆叙之使各辨其事也

八職一曰正。掌官屬以治要。二曰師。掌官成以治凡。三曰司。掌官法以治目。四曰旅。掌官常以治數。五曰府。掌官契以治藏。六曰史。

掌官書以贊治。七曰胥。掌官叙以治叙。八曰徒。掌官令以徵令。

誤法王氏正之。○百官府通謂六官之官吏也。徵召也。上有召令而辨其職也。正六官之長如冢宰。卿為僚屬所取正者。官屬即八法中之官屬。要即月計之書也。師六官之佐如小宰。中大夫。宰夫。下大夫。為僚屬所受教者。官成即八法中之官成。凡即旬計之書也。司如上士。中士。各司其職者。官法即八法中之官法。目即日計之書也。旅如下士。衆為其職者。官常即八法中之官常。數謂舉事之數也。此以上言辨官職也。府主書文書者。自既成而言。故曰契。而掌以治藏。史主治文書者。自當成而言。故曰數。而掌以贊治。胥有才智為什長者。官叙為官府之次。故掌以治叙。徒應呼召而趨走者。官令為官府之命。故掌以徵令。此以上言執吏職也。要凡目數四者。義見司會。掌職。○王氏曰。王有徵召命令。宰夫辨而施之。或下於其正長。或下於其司旅。此與大事從其長。小事專達相通。莊棗魏氏曰。小宰所辨六職。各官府總分者也。宰夫所辨八職。每官府自分者也。上下有體尊者治其大而眾卑者治其小而誅。障

川王氏曰積凡以爲要。要者月計。積月以爲比。比者旬計。積數以爲目。目者日計。數則一二三四之類是也。數爲府史之所掌。而旅治之日爲旅之所掌。而司治之。凡爲司之所掌。而師治之。要爲師之所掌。而正治之。若夫精要以爲會。則正之所掌。而王治之矣。葉氏曰。小宰奉大宰八法以治官府。而別立六叙以冠之。則六叙視八法爲重。然宰夫八職。七日皆掌官叙以治叙。以徒役而掌官叙。不幾襲乎。蓋小宰所掌者。正羣吏也。宰夫以胥治之者。特敬令之時。承其命而治之耳。愚按。徵令辨似八職。通自官府而言也。然正師司旅。一府皆中皆備者。惟六都爲然。而其餘府署或不具也。則經固舉上以包下。而註亦舉此以明之與。 **掌治法以**

發百官府羣都縣鄙之治。乘其財用之出入。凡失財用物辟名者。

以官刑詔冢宰而誅之。其足用長財善物者賞之。 辟。避同。○治法。謂八法。八則也。

大宰施則於官府。施法於都鄙。而宰夫掌以攷其成功也。百官府猶司會。天府言國之官府。謂王朝之官府也。羣都縣鄙猶同上言。都家縣鄙謂采邑及凡公邑也。他職多約言都鄙。此職詳言都家。縣鄙都鄙之義詳以明矣。乘卽算法。乘除之乘猶計也。失開失其所守。財泉穀也。用貨賄也。物獸畜也。辟名謂以空名作實在。而避其罪名也。足則不乏。長則有餘。善則無損。故或誅責或發賞也。此

又言攸百官府之治而官若吏皆具其中矣。○黃氏曰：羣都之屬不爲羣都者，皆爲縣鄙。大府凡官府都鄙之吏及執事者受財用焉。故宰夫攷其治而乘其出入也。王氏曰：制治者法，行法者吏。吏有勤怠，則治有善否。故立法以攷之，大宰出法以治，小宰執法以逆宰夫，則循法以攷也。鄭經曰：利之所在，姦僞必萌。人能於此不萌，欲心者，廉吏也。故攷吏治以乘財爲要。明齊王氏曰：長財足用，善物非聚斂也。生財有大道，惟用天時，因地利，節宜斂散，與天地相流通。若夫子之蓄蓄息，其次若蕭何之餽餉劉晏之理財，亦可也。惟知道者能之。愚按：宰夫勾攷之官，一攷邦治，一攷邦財，而於邦財必詳者，正以杜外本內末之患也。蓋足國之道在務本而節用，今所賞大足用長財善物者，不外於務本而其責夫夫財用物辟名者，乃所以節用此明齊所謂惟知道者能之也。若彼以財發身貨恃而入者，雖劉晏猶不屑爲，而况聖人手。以式法掌祭祀之戒具，與其薦羞從大宰

而眠滌濯凡禮事贊小宰比官府之具凡朝覲會同賓客以牢禮

之法掌其牢禮委積膳獻飲食賓賜之殽牽與其陳數此音選委

○此以下言祭賓喪之屬之職也。戒具見大小宰薦羞見選醴二職凡禮事謂祭賓喪弔以外比之言校也。小宰令百官供其財

用此贊枋其美惡足否也。牛、羊、豕之法，包下各條而言。牛、羊、豕具爲一牢。牢禮委積者五積，五牢四積四牢三積，三年之屬，燕、獻若饋，廟、太牢及禽、獻之屬，飲食若饗、食燕之屬，賓、賜之屬，亦若致、殯、饗及特、賜之屬。凡此者，未至則醴，委積已至則陳，饋、飲、食、殯、奉皆類此，具以陳之，而其陳之之數則皆以爵爲差。凡邦之弔事，掌其也，詳見秋官大行人掌客及聘禮公食大夫。

戒令與其幣器財用凡所共者，大喪小喪，掌小官之戒令，帥執事

而治之。三公六卿之喪，與職喪帥官有司而治之。凡諸大夫之喪

與其旅帥有司而治之。

弔事卽大府待邦之弔用是也。小喪謂后世子以下之喪。小官謂士。其大官則冢宰

戒之也。治皆謂治其供具。職喪宗伯之屬。官有司卽職喪。歲終則所謂公有司也。旅謂職喪之下士。有司蓋官有司之屬。歲終則

令羣吏正歲會。月終則令羣吏正月要旬終則令正日成而以攷

其治治不以時舉者以告而誅之。正歲則以法警戒羣吏令修宮

中之職事書其能者與其良者而以告於上。

此言其考職須職也。令羣吏者謂六官之

羣吏旬十日也歲會月要日成猶司會所謂歲成月成日成不時
 舉謂失期也以告謂告於大宰也警戒羣吏者贊小宰令於百官
 府令修者贊其憲禁於王官也能言才良言德告於上通謂大宰
 若小宰也○鄭氏鍔曰小宰宰夫推大宰之法警飭百官府之治
 可矣然世未有家不齊而能治國以平天下者小宰之官刑宰夫
 之官職首以齊其家而官叙朝儀乃以治其國然後大宰之典法
 可以平天下矣節卿鄭氏曰大宰之權重矣誅賞廢置不遺終篇
 一言小宰宰夫賦大宰者而御史反諄諄何也此所以尊大宰也
 周三公兼大宰與王論道經邦建典法於上而其小宰宰夫率職
 法於下小宰既建邦之官刑治王宮之政令與凡宮之糾禁而宰
 夫又令官中之職事其治內嚴也小宰既廣大宰之八法以爲六
 叙六屬六職六聯八成六計而宰夫又廣小宰之六職以爲八職
 小宰不用法者國有常刑其不共者有大刑而宰夫又於治不以
 時舉者以告而誅之其間掌凡禮儀之政令禁令掌百官府之徵
 令辨叙羣吏之治與攷百官府羣縣都鄙之治其治外嚴也蓋是
 時大宰常寬以逸而小宰宰夫常嚴以勞秦漢以來道揆失而法
 守滋亂或佐天子理陰陽而不對錢穀刑獄否臧又特以簿書期
 會爲大故耳統紀不明同歸於亂唐太宗之六典庶矣而政均於
 人品均於官交相輕忌其中則有宰相反奉行文書而奔歸羣有
 司者然則周大宰之制至是三變矣其始也大臣自棄其權而不

爲其中也。則貪其權而不擇所當爲其卒也。上又奪其權而不使有爲。此大宰之立法。小宰宰夫之奉法。不可不考也。

官正掌王宮之戒令糾禁。

此序官正上中下士十人之職而總舉之也。以時比宮中之

官府次舍之衆寡爲之版。以待夕擊柝而比之。國有故則令宿其

比亦如之。

比音避。下同。柝音託。○時謂四時也。後凡言時者放此。官中之官府若膳夫玉府之屬。次謂命直之處。舍謂退

息之所。其衆寡猶鄉大夫率其衆寡之衆寡。謂徒役及其家之子弟也。版以書名。柝以警守。比之言校也。故變故也。有故特爲之中令其宿。若其擊柝比之則辨外內而時禁。稽其功緒。糾其德行。幾一也。此言比校之扣節也。辨外內而時禁。稽其功緒。糾其德行。幾

其出入均其稍食。去其滯息。與其苛褻之民。會其什伍而教之道

禁行去聲。褻義同。稍去聲。食音嗣。奇音舞。美斜通。○辨外內而時

禁者。別外人內人而禁其非時出入也。幾以防奸。亦糾德行之意。均以稱事。亦稱功緒之意。民猶言庶人在官也。會合也。滯息則妨功。苛褻則害名。五人爲伍。十人爲什。合而教之道。善以育德而進功也。此言教令之詳目也。○註曰。必會之者。欲使之羣作。羣學以寄宿衛之令也。疏曰。使其宿衛時。語言相聞。服容相識。是其羣

作及其學問又相親友切瑳琢磨是其羣學總是相勸率也又云寄宿衛之令者如管子因內政寄軍令在家時五人爲比在軍還五人爲伍之類此使之輩作輩學似在家因使之宿衛似寄軍令也雜說曰宮正以德行道藝教王左右前後之人環衛之士其恇愈苛業者又不得與乎其間此所以待御僕從用非正人也月終則會其稍食歲終則會其行

事行事即謂德行功緒也此攷職之事凡邦之大事令於王宮之官府次舍無去守

而聽政令大事冠戎之屬守即謂次舍也春秋以木鐸修火禁

春秋謂夏正仲春之卯月仲秋之酉月也以秋官司短氏仲春以木鐸修火禁推之可見凡周官言歲終正歲正月之吉皆周正以尊正朔也其言四時皆夏正以敬人時也後皆放此修火禁者爲時將出納火嚴警備也此類職之意○廿一日火星以季春出以季秋入因時以戒也蓋曰火星也公羊謂之大辰夏正三月東出於辰九月西伏於戌凡民陶冶鑄造火出則爲之火伏則休之此則因其時而於凡邦之事踴宮中燭中則執燭大喪則投廬舍辨宮中慎火也

其親疎貴賤之居大司寇燭猶燎也爲之大曰燹小曰燭也廬倚廬舍室室親貴居

倚廬陳賤居聖室雜記大夫居廬士居聖室此聯職也○王氏曰
天官之職官中至要而官官與小宰之掌官禁宰夫之令官職相
成此所以首
列其職也

宮伯掌王宮之士庶子凡在版者掌其政令行其秩叙作其徒役

之專授八次八舍之職事

此序宮伯中下士六人之職也士註謂公卿大夫元士之適子庶子謂其衆子

徒役謂士庶子之所屬也事謂微趨奔走之類八次八舍謂宮之門前與內中此猶上職之節目也○東萊呂氏曰古者執干戈以宿衛王宮皆士大夫職之無事而奉燕私則從容養德有膏澤之潤有事而司捍禦則堅明守義無履心之虞下至秦漢陛楯執戟尙餘一二此制既廢人主接士大夫者僅有視朝數刻而周禮陛楯或環以椎照歸梓之徒矣愚按夏官司士掌士之職令諸子掌歸子之作又祭統云鄉舉旅行酬而後獻大夫大夫舉旅行酬而後獻士士舉旅行酬而後獻庶子則士者上中下士之總名而庶子者諸子所掌公卿大夫士之子也而此以其適子爲士衆子爲庶子者蓋凡士皆選於鄉升於司馬遞升而爲中士上士若公卿大夫士之適子始皆爲士所謂士之子恒爲士也適子皆衆子供宿衛而又云凡在版者蓋士庶子有不供宿衛而其供宿衛也亦

有差若去者故 若邦有大事作宮聚則令之作起也宮聚卽謂上

宿令守亦聯 職之意也 月終則均秩歲終則均叙以時頒其衣裘掌其誅賞

均秩者廩祿之差猶言會其精食均叙者才能之等猶云會其行

車預衣裘承秩而言定誅賞承叙而言此皆攷職之事○節鄭

氏曰宮正皆親於大宰何也不親於大宰則內外限隔而政令且

下移也西漢以期門羽林等爲宮禁之親兵而宮門之屯兵以衛

尉掌之謂之北軍十二門之屯兵及三輔屬於中尉之兵以城門

校尉掌之謂之南軍北軍在長安之內環衛王宮南軍在長安之

外環衛皇城武帝增置八校以中壘益北軍以長水胡騎益南軍

是故尉勃安劉氏乃北軍制南軍之效劉屈氂發三輔近縣兵及

長水胡騎入長安與太子戰乃南軍制北軍之效宋閣門司而外

皇城司主內庭宿衛內侍省都知副都知同主之殿前司統諸班

禁衛殿前太尉獨統之大抵皆周之遺意其不同者周統於冢宰

宋統於樞府也成王之季呂伋掌虎賁之上非宰臣之命不敢登

春秋時楚環列之尹亦掌之太師潘崇漢初光祿勳歲以四科考

第郎從宮當時諸呂之亂滕公除宮左右執戟不肯去代王入未

央宮謁者執戟詣端門不得進入其效亦可觀矣光武以來八

校併爲五禁於是南軍廢而北軍爲宦官所製實武誅宦官召北

單五校未幾卽散降王市此無他外無以制內而內所存者又未
嘗教之使知義也魏晉而降士大夫不復與宮衛唐與左右金
吾衛將軍掌宮中及京師之巡警凡胡衛及外府仗飛番上者皆
屬焉文武判然兩途德宗之世宦官權禁兵而廢立在其手矣反
覆魏晉唐之亂泰觀兩漢之盛衰然後知胡官之制有官正官伯
不可無虎賁有虎賁不可無司謀有官正官伯虎賁司謀之屬又
不可無大宰以統率之也葉氏曰說者多言官正掌兵衛官伯掌
郎衛竊謂不然官正官伯所掌皆郎衛若虎賁司謀之屬所掌乃
兵衛也官正詳言教禁而官伯不詳者上庶子有師氏保氏大司
樂諸子以教之故也愚按葉氏謂官正所掌亦爲郎衛者得之但
其謂官正掌卿大夫士之官吏直衛者而官伯掌卿大夫士之士
庶子入衛者則頗率矣夫官正所掌乃宮中官府之子弟與其徒
役而官伯所掌乃凡公卿大夫士之子弟與其徒役也官中官府
之子弟與其徒役通謂之衆寡而凡公卿大夫士之子弟與其徒
役則分謂之七庶子與徒役者官中官府如屠夫甸師酒正各人
之屬爾不過士其子弟不得謂之上庶子而與在官之庶人不甚
相遠故與其徒役槩謂之衆寡而其大節亦槩以民稱之若凡公
卿大夫士之子弟則不得與其徒役等視而以士庶子與徒役別
言之矣若如葉氏謂官正兼掌卿大夫士之官吏則經於卿大夫
士豈得槩以衆寡相目謂官伯但掌卿大夫士之士庶子則經於

士庶子何得復以徒役目之耶官正所掌之于命徒役視官伯所
掌爲甲而官正以正名官列官伯之前者官正掌尤在內職稍重
而其屬之次舍與其官府相近故亦不若官伯散在八次八舍也